

Thurgis liturgica.

Donabicki (Gasp.): Observa-
tiones liturgicae

Posnan. Typ. Coll. s. f. 1738.


THEOLOGIA.

N. 315



35247

I



O

L

R.

EX

Гу

OBSERVA-
TIONES
LITURGICÆ

EX ASCETICIS

R.P. Gasparis Druzbecki
Soc: JESU,

Excerptæ pro pio usu Sacerdotum



POSNANIÆ

Cum superiorum perm. ssu.


REIMPRESSÆ

Typis Clari Collegii Societatis JESU.

Annô Domini 1738.

35.247

I



ANTE SACRUM
OBSERVATIO I.

*Protestaberis diligentiam & dissidentiam
dispositionis ad Sacrum. Petes eandem
à DEO, non tamen propter te, sed pro-
pter DEUM.*

TRin Unissime DEUS, ego quidem,
quantum ex gratiâ Tuâ possum,
volo & conor me disponere, tam se-
quentibus, quàm totius Vitæ meæ a-
ctionibus, & passionibus, ad Sanctissi-
mum Filii tui Sacramentum offerendum,
Sacramentumque sumendum quàm
dignissimè; tamen non confido, imò
diffido prorsus omni meæ dispositioni,
& à Te solo disponi, meæque disposi-
tioni peto, & spero, & desidero, sed
& à Te disponi non cupio propter ul-

lum bonum meum, quatenus meum; sed purè propter Dignitatem, Voluntatem, & Voluptatem Tuam, majorem ac majorem. Tu igitur me dispone ad hoc, & ad omne Sacrificium Sacramentumque, tam mea quam Tua dispositione sicut potes, scis, & vis, dignè propter Te.

OBSERVATIO II.

Facies Intentionem communem generalem, cum intuitu mentis Christi & Ecclesia in Sacrificio, nec non Indulgentia.

Ego volo celebrare Missam & conficere Corpus & sanguinem Domini nostri Iesu Christi, juxta ritum sanctæ Romanæ Ecclesiæ, ad laudem omnipotentis DEI, totiusque Curie triumphantis; ad utilitatem quoque meam totiusque Curie Militantis; pro omnibus qui se commendaverunt orationibus meis in genere & in specie; & pro felici statu sanctæ Romanæ Ecclesiæ, Amen.

Gaudium cum pace, emendationem
vitz

LITURGICÆ

3

vita, spatium veræ pænitentia, gratiam & consolationem S. Spiritûs, perseverantiam in bonis operibus, tribuat nobis omnipotens & misericors Dominus, Amen.

OBSERVATIO III.

*F*acies Intentionem particularem, privatam pro libitu, aut debito; Fructumque Sacrificii distribues in Deum, Sanctos, Ecclesiam, in te ipsum, in vivos, in mortuos, ex opere operato, & operantis, ex Christi & tua persona, memor indulgentia & privilegia & liberationis Amen.

OBSERVATIO IV.

*M*emento utrumque facies: scilicet commendationem Vivorum & mortuorum. Negotiorum quoque & necessitarum, pro quibus orare debes, soles, vis.

OBSERVATIO V.

*I*nstitues Conscientia examen: super hac potissimum.

1. An heri notabilius quid deliqueris?
2. An heri exactè feceris præparationem? ipsum Sacrum? gratias post Sacrum?

A 3

3. An

4 OBSERVATIONES

3. An vesperi Examen, & an utrumque, & quomodo feceris?
4. An omnes vespertinas externasque Consuetudines perfeceris, & quomodo?
5. An mortificationes internas externasque; censorii examinis & externae unionis: Indulgentiae quoque plenariae & praxeos mortis feceris?
6. An obdormieris inter orandum more solito?
7. An Actus mediae noctis feceris & quomodo?
8. An praeveneris tempus surgendi, vel saltem in puncto pulsus surrexeris, & actus solitos feceris?
9. An sedule praeparatus mentaliter ad normam conscientiae meditatus sis?
10. An fructuose cum observationibus & reflexione & ruminacione meditatus sis?
11. An te nunc commodè tempestiveque ad Sacrum pares?

LITURGICÆ

- 12 An sentias & excites famem amorosam Sacri, & Sacramenti & unionis cum Christo?
- 13 An feraris immensò desiderio exaltandi DEUM sacrificiò?
- 14 An aliquas & quomodò, Canonicas jam dixeris?
- 15 An hodie jam crassius quid deliqueris, neglexeris &c.
- 16 An Intentiones diei feceris?

Horum discussione factâ, quæ culpabilia inveneris: confiteberis SS. Trinitati (& deinde pro tempore Sacerdoti) omnia tanquàm Sacramentaliter: addes etiam, confiteri sequentia.

TRin-unissime DEus, confiteor Tibi & B. Mariæ semper Virgini; B. Michaëli, & omnibus Sanctis, quia peccavi nimis cogitatione, verbo & opere, & omissione. *Quia* adhuc carnalis sum & mundanus. *Quia* plenus concupiscentiarum motibus. *Incustoditus* in externis sensibus. *Sapè* multis

vanis phantasiis implicatus. *Multum*
 inordinatus ad exteriora. *Negligens* ad
 interiora. *Levis* ad risum & dissolutio-
 nem. *Promptus* & incircumspectus in
 loquendo. *Durus* ad fletum & compun-
 ctionem. *Rarus* & tardus ad recolle-
 ctionem. *Segnis* ad orandum, & frigi-
 dus in meditando. *Velox* ad laxiora
 & carnis commoda. *Segnis* ad vigorem
 & fervorem. *Curiosus* ad nova audien-
 da & pulchra intuenda. *Remissus* ad
 humilia & abjecta amplectenda *Cupi-*
us ad multa habenda. *Parcus* ad dan-
 dum. *Tenax* ad retinendum. *Pu-
 sillan-*
is & infirmus in me ipso vincendo &
 abnegando. *Stultus* & vanus in me ipso
 ostentando, & videri aestimarique ab
 aliis volendo. *Incontinens* in tacendo.
Incompositus in moribus. *Importunus* &
 inordinatus in auribus & agendi tem-
 poribus. *Effusus* super cibum. *Impotens*
 in passionibus. *Surdus* ad DEI Verbum.
Velox ad quietem. *Tardus* ad laborem.
Vigilans ad fabulas. *Somnolentus* ad vi-
 gilias

LITURGICÆ

7

*g*ilias Sacras. *Festinus* ad finem. *Vagus*
 ad attendendum. *Negligens* & *distrac-*
tus in horis Canonice persolvendis.
Tepidus in celebrando. *Aridus* in Com-
 municando. *Cito* distractus & effusus.
Rarò plenè recollectus. *Vix* unquam
 præsentia Tui memor. *Facilis* ad iram
 & aliorum censuram atq; displicenti-
 tiam. *Pronus* ad iudicandum. *Rigidus*
 ad arguendum. *Incautus* ad scandalum
 tam activum quàm passivum. *Debilis*
 in adversis. *Multa* proponens bona,
 pauca ad effectum perducens. *Vix*
 in aliquo benè capto perseverans.
Gratia tuæ motibus inobediens. *Bene-*
ficiis tuis ingratus. *Voluntatem* Tuam
 bonam, beneplacitam, & perfectam
 sciens, sed non faciens. *In mala* sæpè
 recidens. *Mea culpa* &c. *Ideò* precor
 &c. *Miserere* &c. *Indulgentiam* &c.

FActà sic Confessione coram DEO, elici-
 es formatum actum Contritionis, tum
 satisfacies poenis internis externisque juxta

OBSERVATIONES

solitum. Sacramentaliter etiam confiteberis pro tempore, &c.

OBSERVATIO VI.

Institues Meditationem vel saltem praxim ejus leges, ex Hebdomadis Liturgicae diu, quae acciderit: simulque affectus tam Sacri totius, quam consecrationis, elevationis & Communionis prouidebis.

OBSERVATIO VII.

A*pprehendes vivacissimè Sacri & Communionis, hoc est Divinissimi operis Dignitatem, Majestatem, naturam, exigentiam. Tuam contra, qui illud peracturus es, Indignitatem, Mendicitatem, Inhabilitatem.*

O *Domine Te Tibi sacrificaturus sum. Pro! quàm Divinum opus! quàm sublime! quàm excelsum! quàm Seraphicis humeris formidandum! Quis Dignitatem, quis Majestatem, quis naturam ejus operis capiet? Pro! quantam exigit condignitatem? quantam preparationem? quantam Dispositionem?*

LITURGICÆ

9

nem? quantam Capacitatem? quàm Seraphicam; quàm Marianam, quàm Theandricam, Sanctitatem? In me autem, quid proportionis, quid dispositionis est, præter solam indignitatem, inhabilitatem, insufficientiam, mendicitatem, omni captu & sensu meo majorem? & tamen sacrificandum est.

OBSERVATIO VIII.

Excitabis in te summam famem exaltandi DEUM summè: quod nequit fieri aliter, quàm Sacrificio isto dignissimo.

○ Fames, fames, fames! Esurio Domine, esurio; & famelicissimè cupio, sitioque summâ fame ac siti, Te Deum exaltare summè & summè, & supersummè, id est, Sacratissimi hujus Sacrificii honore.

OBSERVATIO IX.

Excitabis etiam in te famem Christi Domini, unionisque tui cum ipso: que etiam meliùs non sit, quàm in hoc Sacramento.

○ Dulcis JESU, dulcis & solus unusque cibus Animarum? Ecce fame-

10 OBSERVATIONES

scit, ecce non solum pasci, non solum cibari, sed etiam saginari concupiscit de Te, concupiscit Te anima mea. Veni ergo mi IESU, & uni Te mihi æternaliter per hoc sacratissimum Sacrificium cum hoc & per hoc excellentissimum Sacramentum.

OBSERVATIO X.

Excitabis in te famem saginandi Animam tuam, omnibus bonis Christi, imprimis ipsomet Christo, propter Christum.

Vides mi IESU, vides Dulcissime Rex & Domine, & Deus, vides extremam paupertatem, mendicitatem, ruditatem meam. Abyssalis & inexpleta vorago sum. Tu contra abyssalis opulencia & plenitudo, & redundantia es: influe ergo in me & reple me, & sagina me, immensitate bonorum Tuorum. Ecce mi IESU patet, ecce hiat, ecce famelicissima esurit atque sitit te, totâ se, anima mea: ergo illam exple, ergo illam exsatura, ergo illam exsatura,

ua, ergò illam infagina bonis tuis, donis tuis, divitiis tuis, quæ non sunt alia, præter ipsum, unum & solum Te. Veni ergò, veni in me, veni ad me, veni totus, veni non propter me sed propter Te, veni non mihi, sed Tibi, veni salutis meæ, sed gloriæ, sed voluntati Tuæ.

OBSERVATIO XI.

Propones explere gustum DEI hoc Sacrificio, tam ex opere operato quàm opere operantis, non tantùm in Christi, sed etiam in tuâ Personâ.

Volo, desidero, propono, Tuum, Deus explere gustum hoc præsentis sacrificio tam ex opere operato, quàm operantis, tam in Christi, quàm in mea personâ propter Te.

OBSERVATIO XII.

Propter juvare omnem Ecclesiam Militantis partem, nec non Animas in Purgatorio: tum etiam omnes necessitates tuas, Mundique totius, juxta mentem Dei, per Sacrum tam præsens, quam omne aliud sequens

quens, non modò tuum, sed etiam alienum, quantum ex te.

Propono juvare apud Te Domine omnem Ecclesiæ partem etiam in purgatorio patientem; propono juvare omnes necessitates meas, totiusque mundi, juxta mentem Tuam, per hoc Sacrum tam præsens, quàm omne aliud sequens, tam per alienum, quantum ex me propter Te.

OB ERVATIO XIII.

Propones præsentì devotione & fervore evincere, omnem præteritam devotionem. Imò actualiter excitabis in te omni mentis Voluntatisque conatu majorem, quàm unquam, millies ac millies in infinitum ac immensum devotionis fervorem, quo evincas omnem tuum alienumque fervorem obtineasque dispositionem cordis, tam ad hoc, quàm ad omne aliud Sacrum habendum ad omnesque fructus ejus obtinendos, augendos, conservandosque.

Cupio & propono Domine præsentì fervore, quo ad hoc Sacrum accedo,

do, evincere omnē præteritā dispositionem meam & alienam devotionem Ideò toto totius mei conatu; idcirco toto omnium Electorum, & P. Parentis & Theandrico fervore, ferri & disponi ardesco, tam ad hoc, quàm ad omne Sacrum, ejusque fructus obtinendos augendosque propter Te.

OBSERVATIO XIV.

Assumes induesque tibi omnia merita, gratias, virtutesque Christi, P. Parentis, omniumque Sanctorum, electorumque assumes; item omnes omnis creatura etiam damnata, potissimum autem Sanctorum Martyrum passiones atque actiones, dignificando eas in Christo, ad supplementum omnis nuditatis, paupertatis, ariditatis & tepiditatis tue coram Deo. Dices ergo cum omni reverentia & ardore.

Nunc tempus est Domine Iesu, nunc est tempus ornare me gratis, meritis virtutibusque Tuis, & Matris Tuæ, & Electorum Tuorum &c. quia pauper

per & nudus & miser & miserabilis
sum nimis, sine Te, coram Te.

OBSERVATIO XV.

Dilatabis & ditabis Animam tuam, de-
sideris, intentionibus, propositisque quam
plurimis & vatissimis, ut tanto fiat capaci-
or, ad ampliora à Christo cum ipso Christo
capienda.

Dulcissime, Dignissime, Amabilissi-
me JESU toto me, & Te, volo qua-
libet quidem actione & passione mea,
sed speciatim hoc sacrificio & Com-
munionem presenti, cui nunc intendo
& me devoveo; reddere Patri æter-
no gloriam, reverentiam, gratiarum
actionem, satisfactionem, gustum, de-
lectationem infinitam.

Volo eidem reddere, par pretium,
præmiumque pro omni bono, & gra-
tiâ ejus mihi & omni creaturæ, omni-
bus electis, ac nominatim Tuæ Thean-
dricæ Humanitati, ejusque P. Parenti,
nominatim etiam pro omni Sacramen-
to sumpto, sacrificioque facto fructi-
bus-

busque collatis conferendisque in æternum.

Volo facere memoriam & repræsentationem tuæ Mortis & Passionis.

Volo Te facere mihi, & Ecclesiæ Tuæ præsentem ut sponsum.

Volo Te recipere in fontem, pignus & arrham, gratiæ, meriti, dulcedinis & felicitatis, gloriæq; æternæ.

Volo Te sacrificare & sumere ad majorem Nominis Tui honorem & gloriam: ad omnimodum cordis Tui gaudium, ad magis magisque Tibi placendum & me uniendum, Tibiq; ornandum per te propter Te.

Volo Te mi IESU immolare, & sumere ad hoc, ut per præsentiam & unionem Sanctissimi Sacrificii, Sacramentiq; Tui liberer ab omnibus malis Corporis & Animæ, quibus premor, & quæ mihi pro peccatis meis debite ingruunt: juxta voluntatem Tuam.

Volo mi Iesu Te sacrificare, & manducare, ut de liberalissimâ manu Tuâ acci-

accipiam donum puri Cordis, casti Corporis, Orationis, & Contemplationis, Humilitatis, Mansuetudinis, Patientiæ, Modestiæ, Paupertatis, Obedientiæ, Resignationis, Donorum & fructuum Spiritûs Sancti, Fidei Spei, Charitatis, Pietatis, Religionis, Prudentiæ, Justitiæ, Fortitudinis, Temperantiæ, Spiritûs, societatis & Professionis meæ.

Volo mi IESU sacrificare, manducare Te, ut Ecclesiæ, Societati, Regno, Civitati, loco illi omnibusq; aliis, quibus Tu scis, & vis, Tuam singularem protectionem impetrem. Ut juvè proximos meos, tam vivos, quàm Defunctos, præsertim, qui mihi commendati sunt vel esse debent, quique sunt Tui in me, mei, in Te, prout Tu scis & vis. Ut consequar indulgentias ex Thesaurò Ecclesiæ concessas Religioni, & alias quaslibet, quarû capax sim.

Volo mi IESU immolare & sumere Te, ut spiritum in me languentem,
& re-

& tepentem excitem, & calefaciam, ut exigua valde merita mea, dona scilicet tua cumulem; ut infirmam virtutem meam confirmem, ut transformet totus in Te, Tuq; maneat & vivas in me, & ego sim alter Tu. Ut Spiritum tuum, præsertim Charitatis, Humilitatis, mansuetudinis, Obedientiæ, Societatisq; Tuæ imbibam.

Volo mi Iesu immolare & sumere Te, ut pro inimicis, æmulis, ingratis meis tam communibus, quam privatis: itemque pro Amicis, & Benefactoribus meis communibus & privatis: itemque pro Patribus filiisq; meis in spiritu & Amicis meis in Te: itemque pro iis, quibus quocunq; modo vel nocui, vel debitor sum, aliquid maxime dignum, gratumq; tibi offeram, & gratiam tuam copiosam efficacemq; illis à Te impetrem.

Volo mi Iesu immolare & sumere Te, ut officiorum, propositorum, negotiorum, necessitatum, votorum meo-
rum,

rum, felicem finalemq; successum à Te
obrineam.

Volo mi IEstu immolare & sumere
Te, ut finalem in Bono perseveranti-
am, perpetuamq; patiendi pro Te vo-
luntatem & famem, materiam quoq;
ad necessitatem, laborandi quoque &
me contemnendi copiosam & gratam
segerem, zeli etiam pro Tua gloria
Animarumque salute promovenda,
inexplebilem sitim & efficacem exple-
tionem, gratiam crescentem semper
fervoris in vita & morte, deniq; San-
ctam & tibi placitam, & ab omni obli-
gatione, tam culpæ quàm pœnæ im-
munem, Sanctor in in Societate JE-
SU mortem, ab æternâ Charitate Tuâ
virtute sacrificii & Sacramenti istius
postulem atque in petrem: propter
Tuum perum, nec non Sanctissimæ
Trinitatis gustum æternalem Amen.

OBSERVATIO XVI.

*Facies disciplinas spirituales: sive Actus A-
nimarum conterentes.*

Dignif-

Dignissime, superaltissime DEUS,
 Tibi, uni, soli, semper omnis exal-
 tatio, omnis honor, omnis gloria in æ-
 ternum & ultra, à me & omni creatu-
 râ. Omnibus autem creaturis tuis Tua
 Bonitas, Dilectio, Beneficentia, Pro-
 videntia, Protectio, Gratia & Beati-
 tudo.

Mihi verò uni, soli, semper omnis
 Abjectio, Derelictio, Detestatio, Re-
 probatio, Damnatio, Infernus, quia
 Tibi Deo meo Maximo, Dignissimo,
 Optimo, peccavi soli nimis in vitâ
 meâ.

Propter quod omni gratiâ, amore,
 & veniâ sum indignissimus: omni au-
 tem odio, detestatione, irâ, furore, de-
 relictione, damnatione, sum dignif-
 simus. Ideò etiam infernus domus
 mea est, infernus possessio mea est, in-
 ferni possessor sum, inferni hæres, &
 inhabitator sum unus, solus, semper.

Quamvis autem ego multa nimis
 commisi, unde me justissimè damnare
 potes

OBSERVATIONES

potes & debes, quia tamen Tu non am-
 misisti, unde salutare misericordissime
 soles; idcirco de profundis clamo ad
 Te: Miserere mei Deus secundum
 magnam misericordiam Tuam, & se-
 cundum multitudinem miserationum
 Tuarum, dele iniquitatem meam.
 Quam ego confiteor coram Te: omnia
 scilicet & singula peccata mea, cordis,
 oris, operis, commissionis, aliena, de-
 tractiones, scandala, mendacia, dete-
 stationes, delicta juventutis & igno-
 rantias, inconstantias & tepiditates.

Pro quibus omnibus toto me doleo
 propter Bonitatem, Dignitatem, Cha-
 ritatem Tuam, propter vilitatem, ma-
 litiam & ingratitude meam. Et
 trado me totum voluntati Justitiæ &
 miserationis Tuæ. Fac mecum volun-
 tatem, justitiam & miserationem Tu-
 am sicut potes, scis & vis. Et utere
 me ad humiliandum me, exaltandum
 Te valde. Sicut uteris Te ad humili-
 andum Te, & exaltandum me valde.

Facies

Facies præterea & hæc.

1. Agnosco & confiteor omnia peccata mea coram Te Deo meo & Christo, & sanctis & creaturis omnibus.

2. Confundor & erubesco Domine coram Te ut prodigus, ut publicanus, ut Magdalena, ut Petrus.

3. Accuso & exaggero scelera mea ex infinita Majestate Tuâ, & vilitate meâ. Quis enim es Tu Domine? & quis ego sum?

4. Exprobro & impropero mihi malitiam & ingratitude meam in Te DEum meum.

5. Non est quid respondeam Tibi Domino dicenti, exprobranti: Hæc Iesu Tibi, & Tu hæc fecisti mihi.

6. Peccavi Domine Tibi soli, uni infinito: idcirco ipse me judico & condemno & universalem planctum, totâ substantiâ meâ, omnibusq; viribus meis coram Te facio de peccatis meis.

7. Non est Domine non est opus.

ut tu condemnes me: ego sum qui peccavi, ego qui malum coram te feci. Ego ipse sum, qui me ad omnem inferni pœnam condemno, quam ipse unus exhaurire sufficio.

8. Peto quidem Domine: quin & per gratiam Tuam & Christi Sanguinem spero veniam, attamen reverâ illam non latens mereor.

9. Humilio me, vilifico, annihiloram te, infra omnem creaturam, infra omnes damnatos, infra omne nihilum.

10. Ah! quomodo non timebo Te Domine, qui terribilis es in conciliis, super filios Hominum? qui respicias peccatores & non sunt?

11. DEUS propitius esto mihi peccatori: peccavi enim in cœlum & coram Te Pater.

12. Deprecor Justitiam tuam Domine, & misericordiam tuam implororoto me.

13. Merita & dignationes JESU Christi

Christi induo, & allego pro me. Respice igitur Domine in faciem Christi Tui, & super Animam meam, pro qua Dominus noster &c.

14. Fiat Domine, fiat voluntas tua in me, de me, per me, sicut in cœlo, ita & in terra.

15. Paratum cor meum Deus, paratum cor meum.

16. Tota plenitudine Charitatis, te Deum meum exalto, magnifico, amo, omnibusque atomis meis charitatem explodo in Te: omnesque atomos me impleo.

17. Gratia Tuæ, nutrici meæ, voluntati tuæ sponsæ meæ, resigno me totum ad omnia.

18. Dignitatem Tuam, toto me, toto te per Christum Dominum nostrum.

19. Corpore & animâ & personâ & toto me, prosterno me, coram Te Domine & coram Christo tuo & pretiosissimâ Parente & electis omnibus

& coram omni Creatura propter Te.

20. Gaudeo Domine toto Te, de omnibus bonis Tuis, cupioque Tibi quàm optimè propter te per Christum Dominum nostrum.

21. Gratias ago Tibi Domine toto Te, pro omnibus & singulis beneficiis tuis mihi & omni Creaturæ, usq; ad sanctissimam Iesu Christi humanitatem præstitis & præstandis per omnem æternitatem.

21. Toto me, Te, gloria tibi Patri, & Tibi Filio, & Tibi Spiritui sancto, per Christum Dominum nostrum. Sicut erat in principio &c.

23. Domine, tu quidem omnia, unum, & simplicissimus, tamen quod est in Te, tibi optimum, hoc tibi volo toto me, toto te per Christum Dominum nostrum.

24. Domine quidquid Cordis Tui voluntati præ omnibus placet, intra vel extra Te, hoc tibi volo toto me, toto te: propter te per Christum Dominum nostrum.

25. Domine totus sim Tuus, & à te tamen, quidquid præ omnibus, à me, in me vis, hoc Tibi dono, toto me, toto te, propter Te: per Christum Dominum nostrum.

26. Domine totus in manu Tuâ sum; tamen quæ maximè pati me vis, hæc pati volo toto me, propter Te, per Christum Dominum nostrum.

27. Domine da quod jubes, & jube quod vis, miserere mei, sicut potes, scis, & vis propter te per Christum Dominum nostrum.

28. Domine utere toto me ad humiliandum me, exaltandum autem Te valdè, sicut uteris Te, ad humiliandum te, & exaltandum te nimis valdè propter te per Christum Dominum nostrum.

29. Omnia Domine, omnia: toto te, propter Te per Christum Dominum nostrum.

30. Sanctissima Trinitas, Pater; Fili, Spiritus Sancte Deus, unus solus,

verus, semper toto me, te, toto universo, totis atomis universi, universalitatis, te amo, te adoro, benedico, beatifico, concupisco, clarifico, dignifico, diligo, deifico, Divino, æstimo, exalto, felicito, gratias ago, gaudeo, gratulor, glorifico, honoro, immensifico, laudo, magnifico, mirifico, majestifico, omnifico, potentifico, pulchrifico, prædico, rectifico, regnifico, sanctifico, sublimifico, sapientifico, totalifico, vivifico, volo, zelo, propter Te, ut sis id quod es, quia es id quod es, miserre mei sicut potes, scis, & vis, & utere me ad humiliandum me.

OBSERVATIO XVII.

*IN*vocabis Sanctos Patronos Sacrificii atque Communionis, ad benedicendum, ad juvandum, ornandumque te dignè Sacrificiò, atque Sacramentò, hoc ferè modo adjunctâ mortificatione externâ &c.

OMnes Sancti Patroni Sacrificii atque Sacramenti, adeste mihi in Sacrificiis & Communionibus meis.

Quam

Quam ad rem deliges SS. Patronos pro
tuo gustu.

Sancte Michaël

SS. Septem Spirituum Principes

Sancte Petre

Sancte Paule,

Sancte Andrea,

Sancte Joannes Baptista,

Sancte Joannes Evangelista,

Sancte Joseph,

Sancte Joachim,

Sancte Lazare,

Sancte Onuphri,

Sancte Tharaci,

Sancte Benedicte,

Sancte Dominice,

Sancte Francisce,

Sancte Pater Ignati,

Sancte N. Patrone Menstrue,

Sancte Thoma Aquinas,

Sancte Bonaventura,

Sancte Francisce Borgia,

Sancte Aloyfi,

Sancte Stanislæe Kostka,

Sancte Angele Custos,

Sancta Anna,

Sancta Martha,

Sancta Magdalena,

Sancta Susanna,

Sancta Joanna,

Sancta Barbara,

Sancta Catharina Senensis.

Sancta Clara,

Sancta Eva,

Sancta Juliana,

Sancta Theressia,

*Sancti hodierni, Menstrui, Anni, Men-
tis, Corporis.*

Sancti Patroni & Angeli Studiorum.

*SS. Angeli Custodes, Templi, Sacramenti,
Altaris, Domus.*

SS. Templi, Altarium, Missalis.

*Sancti quorum Reliquia sunt in Templo,
Altari, Domo.*

Sancti Patroni mei & Domesticorum.

Sancti Societatis JESU.

*Sancti Amatores Increata Incarnata Sapi-
entia.*

Sancti

Sancti Amatores Crucis.

Sancti Amatores Pretiosissima Parentis,

Sancti Angeli Purgatorii,

Sancti tres Reges,

Sanctæ Virgines,

*Sancti Cultores Sanctissimi Sacrificii atq;
Sacramenti*

OBSERVATIO XVIII.

Petes gratias & ornatum specialiter à
*Sanctissima Trinitate, à Patre æterno,
ad gustum & consolationem Sanctissima
Trinitatis.*

Peto à Te Pater æterne DEUS, ut
des mihi cum eo Te affectu, cum
eâ cælestium donorum copiâ, nunc &
semper Sacratissimum Mysterium Mis-
sæ offerre, Eucharistiamq; conficere &
deniq; Christum Dominum recipere,
quo illum Pretiosissimæ Parenti Ma-
riæ Virgini, & per illam universo ge-
neri humano in Incarnatione dedisti.

A Filio, ad gustum & consolationem San-
ctissima Trinitatis.

A 4

Pete

PEto à te ô Fili Redemptor Mundi
DEus, ut des mihi cum eo Te affe-
 ctu conficere, offerre, suscipere, quo
 Tu ipse, in ultimâ Cœna confecisti,
 in Arâ Crucis obtulisti, in Incarnatio-
 ne Prætioussimæ Parenti suscipiendum
 dedisti, atq; tam eidem, quàm Apосто-
 lis Tuis, te in Eucharistia manducan-
 dum tradidisti.

*A Spiritu Sancto ad gustum & consolatio-
 nem Sanctissimæ Trinitatis.*

PEto à te ô Spiritus Sancte Deus, ut
 mihi tam mundum cor & Corpus
 efficias, propter Diviissimum Sacrifi-
 cium offerendum, Sacramentumq;
 conficiendum, ac recipiendum quàm
 mundum, purum, atq; dignum effe-
 cisti, in P. Parente Virgine MARIA,
 quando illa Verbum æternum exce-
 ptura, conceptura, atq; purissimorum
 viscerum suorum sanguine, humano-
 q; corpore fuerat indutura, ipsumq;
 in Eucharistiæ Sacramento manduca-
 tura.

A San-

A Sanctissima Trinitate ad gustum & consolationem.

TUam peto à te ô sanctissima Trinitas unus DEus. Pater noster qui es in cælis, Sanctificetur nomen tuum, adveniat Regnum tuum, fiat voluntas tua, sicut in cælo & in terrâ, panem nostrum quotidianum da nobis hodie, & dimitte nobis debita nostra, sicut & nos dimittimus debitoribus nostris, & ne nos inducas in tentationem, sed libera nos à malo, propter Te per Sanctissimum sacrificium, perque JESUM Christum Dominum nostrum, Amen.

DICES autem hanc Orationem affectu & complexu intentoque Christi Domini, qui in hac oratione complexus est omne id, quod possibile est per nos à Deo peti.

OBSERVATIO XIX.

IMpersonabis te toti rerum universitati, omnibus Electis P. Parenti, Christo, & ipsi Sanctissima Trinitati, sicque totalisatus & totus procedes ad Sacrificium

& communionem, totamque omnitudinem
 tuam effundes, in exaltandum Sacrificiò
 Deum: in amorem, astimationem, laudem,
 reverentiam, exaltationem. gratiarum actio-
 nem, beneficiorum pestulationem, malorum
 & defectuum expiationem, suppletionemq; ,
 in gustus & Voluptatis Divinae saginatio-
 nem & exsationem.

Ignitissime, Immensissime DEUS,
 omnitudinem tuam, omnitudo mea
 omnitudine creatâ, Seraphicâ, Maria-
 nâ, Christi, tuâ, amat, adorat, bene-
 dicit, concupiscit, dignificat, exaltat,
 glorificat, honorat, intendit, ignitif-
 simè, intensissimè, reveretur reve-
 rentissimè, sicut sitibundissimè; saginat
 saginatissimè, sapit sapidissimè, tenet
 tenacissimè, tradit traditissimè, vult
 validissimè voluntatissimè, vehemen-
 tissimè, zelat zelotissimè.

Ignitissime, Immensissime, Di-
 gnissime DEUS omnitudine Tuâ,
 omnitudo mea, omnitudine cun-
 cta

Etâ creatâ, Seraphicâ, Marianâ, Christi, tuâ, benedicit, concupiscit omnem concupiscibilitatem tuam, dat, donat, dedicat, gratias agit, gaudet, gratulatur, sese formandam, fingendamq; tradit, sese humiliat, subdit, vilificat, voluntariissimè, vilificatissimè, verissimè, zelat zelosissimè.

Quater Sancta Quaternitas toto me, totâ te, te amo, tibi gaudeo, tibi gratias ago, doleo coram te de omnibus malis meis, & volo me emendare. Miserere mei, sicut potes, scis, & vis, & verè me ad humiliandum me, & exaltandum te valdè ad sagingandum gustum Tuum in me, meum in te, propter te, per JESUM Christum Dominum nostrum.

OBSERVATIO XX.

Urre ad Sacrificium & communionem, anhelat & estuante Dei formi Spiritus, sicut festinat Cervus ad fontem aquarum; Oculus ad lucem, infans ad mamillam, sagitta ad scopum, lapis ad centrum, famelicus & sitiens

sitiens ad cibum & potum, Avarus negotiator ad opes & lucrum, Ambitiosus ad honorem, Venator ad prædam, Infirmus ad sanitatem, Navis secundò ventò ad portum, Anima ad calum, Beatus ad Deum.

OBSERVATIO XXI.

**Exercebis Actus solitos ad æternam
Incarnatam Sapientiam.**

A*Terna Sapientia DEUS homo; Homo DEUS Christe Jesu cum Societate tua, Seraphica universa, amo Te, adoro Te, offero me tibi, confiteor te, & me coram Te, trado me in mancipium & servum & amatorem voluntatis & voluptatis Tus, æstimo & exalto; & appretio, & dignifico, & concupisco te Seraphicè, Marianè, Theandricè, Deificè, semel pro semper in æternitatem. Ad saginandum omnimodum gustum Tuum in me, meum in Te, toto te, propter te. O Verbum Incarnatum Christe Jesu, Sapientia aterna, Deus meus & omnia.*

OBSERVATIO XXII.

C*onaberis omnia tam supradicta, quàm & inferius dicenda inter Sacrum & post Sacrum*

Sacrum heroico, & maxime ferventi conatu peragere, ut omnis Tuus motus Anima Corporisq; sit Heroico Spiritu animatus.

OBSERVATIO XXIII.

Facies Meditationem per sequentes
Affectus:

Ergone Sacrificandum est?

○ Abyssum Amoris, Amativitatis, Admirationis, Amabilitatis, Ardoris, Audaciæ, Appetentiæ, Alimonix, Amicitix:

○ Abyssum, Bonitatis, Benignitatis, Beneficii, Benedictionis, Beatificationis, Beatitudinis, Boni!

○ Abyssum Charitatis, Communicationis, Convivii, Cibationis, Clementix, Contentationis, Conversationis, Capacitatis!

○ Abyssum Dignationis, Descensusq; Dei, Dignitatis meæ: Doni, Debiti, Devotionis, Desiderii, Dulcedinis, Delectationis Domini, Deificati?

Ergo Sacrificandum est?

○ Abyssum Exaltationis, Exultationis,

tionis, Aestimationis, Eviscerationis,
Exinanitionis, Aestuationis, Exaudi-
tionis!

O Abyssum Fidei, Fidelitatis, Feli-
citatís, Familiaritatis, Famis, Ferculi,
Feracitatis, Fœcunditatis, Fiduciæ,
Flammarum!

O Abyssum Gratix, Glorix, Gra-
titudinis, Gloriationis, Gaudii, Gratia-
rum actionis, Gustationis.

O Abyssum Humilitatis, Humani-
tatis, Hospitalitatis, Honoris, Hono-
rationis, Heroicitatis, Hæreditatis!

Ergò Sacrificandum est?

O Abyssum Incarnationis novæ,
Incontinentis Bonitatis, Indulgentiæ,
Imperii, Iucunditatis, Indivinationis,
Innocentiæ, Iustitiæ, Immolationis,
Iubilationis, Impotentix, Invitationis,
Ignitionis, Immutationis!

O Abyssum Lautitiæ, Liberalitatis,
Latitiæ, Laudationis, Libertatis, Li-
centiæ!

O Abyssum Myserii, Miraculi, Mi-
sera-

serationis, Majestatis, Meriti, Mandati, Mercedis, Mercis, Ministerii, Magnitudinis, Mansuetudinis!

O Abyssum Novitatis, Nativitatis, Nutrimenti, Necessitationis, Nobilitationis, Nundinationis, Negotiationis, Negotii, Necessitudinis.

Ergò Sacrificandum est?

O Abyssus Operationi, Obedientiæ, Orationis, Optabilitatis, Omnipotentia, Oneris, Oblationis!

O Abyssus Pietatis, Potentiæ, Pignoris, Præsentia, Pacti, Puritatis, Pacis, Perseverantiæ, Postulationis, Possessionis, Pretii!

O Abyssus Quæstuositatis. Quietis!

O Abyssum Reverentiæ debita, Ruditatis, Rusticitatisq; meæ, Ruina indignorum, Reparationis, Remunerationisq; bonorum, Rogationis, Regnationis!

Ergò Sacrificandum est?

O Abyssus Sanctitatis, Sapientiæ, Servitutis, Societatis, Sacrificii, Spei,
Subli-

Sublimitatis, Sinceritatis, Saturitatis,
Sacramenti, Salutis, Stipendii!

O Abyssum Tractationis, Totalita-
tis, Timoris, Traditionis, Tentionis,
Teneritudinis, Tutionis, Thesauri,
Thesaurizationis!

O Abyssum Vitæ, Veritatis, Vera-
citatís, Voluptatis, Verecundiæ, Vene-
rationis, Valoris, Viatici, Voluntatis,
Venerationis, Unionis!

O Abyssus Zeli gloriæ, Zeli Amoris,
Zeli Salutis & Salvationis!

*In his omnibus licebit tantum morari, quan-
tum tempus & devotio permittet.*

OBSERVATIONES

LITURGICÆ

INTER SACRUM.

OBSERVATIO I.

DEscendens ad Sacrarium tempestivè, de-
positis omnibus prorsus curis: imò Te
ipsum

ipsum quasi exutus sciens & cogitans te in hac hora nihil nisi Sacerdotem esse: jam jam ire ad peragendam totius Mundi causam coram DEO, ad tractandum cum Deo, in conspectu cali totius. Hæc ergo cogitabis inter eundem: vel etiam repetes in via actus, ad aternam Sapientiam, sive omnitudinis, sive famis Christi, sive invocationis Patronorum Sacri.

OBSERVATIO II.

IN Sacrario solum agenda ages. Manuum abluitionem. Prævisionem Sacri dicendi Assumptionem Vestium, eum suis omnia Orationibus, attentè sine præcipitatione verborum, hostiam preparabis.

OBSERVATIO III.

EXpectans egressum ad Templum (quem semper curabis potius, quam ut expectaris) totus alteraberis in Deum, in Christum, in famem Sacrificii, Communionis.

OBSERVATIO IV.

Pergens ad Altare, invocabis Pretiosissimam Parentem specialiter illâ oratione S. Bernardi: Per Te accessum habeamus.

mus. Cui, si vacabit, adjunges *Invocationes Sanctorum Patronorum Sacri, vel: Divinitas Christi inhabita me, Persona Christi indivina me. Anima Christi sanctifica me. Corpus Christi &c.*

OBSERVATIO V.

Collocans & aptans Calicem, Corporale, Missale aperiens: *continuabis predicta aut Actus omnitudinis ex observat. 19. supra; aut illos: Nunc Tempus est Domine JESU, nunc tempus ornare me. Observat, 14. Tunc dices, DEUS in adiutorium, propter Indulgentiam. Vovebis etiam hoc Sacrum facere.*

OBSERVATIO VI.

IN illâ ante descensum morâ, & in ipso descensu ad dicendam Confessionem, petes à Christo gratiam resolutionis ipsius Christi hoc ferè modo.

MI JESU per illam generosissimam Resolutionem Tuam, quâ Te resolvisti nobiscum esse, à nobis manducari, immolari, & communicari in hoc Sacrificio ac Sacramento, peto à Te,

Te, ut mihi meritum generosissimæ hujus resolutionis communices: quò Te quàm dignissimè immolare, manducare, aliisque communicare valeam.

OBSERVATIO VII.

Flectens genu ad inimum gradum ante Confessionis initium: profundissima tui ipsius reverentiâ & omni pleno fervore adorabis Sanctissimam Trinitatem & Christi Humanitatem, ad dexteram Dei Patris confidentem. Et similiter toto te in omni genuflexione facies.

OBSERVATIO VIII.

Confessionem totam dices affectu eo, quo ab Ecclesia præmitti instituta est: in Specie, Confiteor dices, ac si Deo presenti coram celo & terra sacramentaliter confiteris totam vitam tuam. Item Misereatur &, indulgentiam eodem affectu, dicens: Oramus te Domine: dum oscularis Altare. Cervicem Domino, tanquam victima rationalis immolanda, pro honore, amore, voluntate & Dignitate & Fide Dei sub altari pones. Quem ipsum sensum habebis
in

OBSERVATIONES

*in omni alia Altaris osculatione, dicens,
hac vel similia verba.*

*En cervicem Domine, pro Fide, Amore;
Voluntate: Dignitate Tua.*

OBSERVATIO IX.

K*Yrie eleyson: totis mundi miseriis,
Misericordiam Dei Patris, Filii, Spi-
ritus Sancti, inclamare mundo cogitabis.*

OBSERVATIO X.

P*ost Gloria in excelsis; suo affectu di-
ctum, sive post Kyrie eleyson osculan-
do altare, petes dicendo: benedic Domi-
ne Pater æterne vires & opera, Filii
Tui, servuli jumentique tui. Item. En
Domine Cervicem meam pro tua Fide.
Voluntate, Charitate.*

OBSERVATIO XI.

Q*uoties dices: Per Dominum nostrum
&c. toties Christum apprehendes ve-
lut Advocatum, Legatum, Pontificem, Pa-
trem, Patronum, Medicum, Pastorem, Ca-
put &c. nostrum, & non tantum per ejus
merita, sed etiam per ejus Personam ipsum
orabis.*

OBSERVATIO XII.

DUm post Evangelium, aut Credo:
altare oscularis, dices: Benedic Deus
 Verbum. Verba filii servuli tui. *Item:*
 En Domine Cervicem.

OBSERVATIO XIII.

Post Offertorium, Calicem discooperiens:
ante Oblationes, dices: Omnipotentia,
 Sapientia, Bonitas, Providentia, Di-
 gnitas, voluntas, Amor præveniens.
 Ecce ego & omnia opera mea coram
 te non propter me, non propter te, &
 toto te, Deus meus & omnia, quia
 hæc est Voluntas tua & dignitas Vo-
 luntatis Tuæ, & Per Christum Domi-
 num nostrum.

OBSERVATIO XIV.

ANte vel post oblationem Panis super pa-
 tenam vel corporale: pones Corpus, Ani-
 mam, Personam tuam. Memoriam, Vo-
 luntatem, Intellectum, omnes tuos: & quid-
 quid nominatim commendatum voles, &
 Deus scit ac vult ex Personis vel negotiis
 necessitatibusquæ.

OB-

OBSERVATIO XV.

ANte & inter infusionem Vini dices: Divinitas Christi. Vel. Toto me, gloria tibi Patri, & tibi Filio, tibi Spiritui Sancto.

OBSERVATIO XVI.

DUm ante Orate fratres, *oscularis altare*, dices: Benedic Spiritus Sancte Consilia & vota & cogitationes discipuli tui, servuli tu. Item. *En Domine Cervicem pro tua fide &c.*

OBSERVATIO XVII.

Post ultimam Secretam ante Per omnia sæcula, *facies in te renovationem, fervoris, devotionis, reverentia & omnium prorsus in preparatione gestorum.*

OBSERVATIO XVIII.

Dicens Sursum corda, *Utraque manu mundum complexus totum elevabis è sua face, ad Deum rapies, feres, statues.*

OBSERVATIO XIX.

AD Gratias Agimus, *inclinabis reverenter caput, propter Indulgentiam.*

OBSERVATIO XX.

Prefationem totam & in specie Sanctus, *dices:*

dices: nomine, affectu debito, celestium, terrestrium & inferorum.

OBSERVATIO XXI.

IN Vivorum Memento, revocabis te ad factum ante Sacrum, specialiter ac nominatim quadam breviter commendabis.

OBSERVATIO XXII.

ANte Consecrationem elicies affectum Consecrationis ex die liturgico, qui incidit. Deinde affectum ex sequentibus septem pro ratione diei: *Quem concludes semper immolatione Tui ipsius cum Christo. Per manus ejusdem Christi, & Pretiosissima Parentis & omnium electorum & nominatim hujus diei Sancti.*

I DIE DOMINICA. Mi JESU illo affectu, quo te Sanctissima Trinitas sibi immolari voluit: & quo tu te Sanctissimæ Trinitati immolâsti; hoc eodem affectu ego te Sanctissimæ Trinitati nunc immolo. Imolo & me tecum per manus tuæ Sanctissimæ Humanitatis, Pretiosissimæ Parentis, omnium electorum tuorum,

rum, & nominatim per manus Sancti N.

2. FERIA 2. Mi JESU illo affectu, quo te Pater æternus, sibi, tibi, Spiritui Sancto immolari voluit, & tu te immolâsti: hoc eodem affectu ego te Patri æterno, tibi & Spiritui Sancto imolo. Immolo & me tecum per manus tuæ Sãctissimæ &c.
 3. FERIA 3. Mi JESU illo affectu, quo te tibi, Patri, Spiritui Sancto immolâsti, hoc eodem ego te tibi, Patri, & Spiritui Sancto imolo. Immolo & me &c.
 4. FERIA 4. Mi IESU illo affectu, quo te Spiritus Sanctus, tibi, Patri æterno imolari voluit, & tu te immolâsti; hoc ego eodem te Spiritui Sancto & tibi & Patri æterno imolo & me &c.
 5. FERIA 5. Mi JESU illo affectu, quo tu te Sanctissimæ Trinitati in ultima Cæna imolâsti pro nobis; hoc eodem, ego te nunc eidem imolo.
- Immo-

Immolo & me tecum per manus
Sanctissimæ Humanitatis &c.

6. FERIA 6. Mi IESU illo affectu,
quo tu te Sanctissimæ Trinitati in
arâ Crucis immolâsti pro nobis;
hoc eodem ego te nunc eidem im-
molo immolo, & me tecum per ma-
nus tuæ Sanctissimæ Humanitatis
&c.

7. SABATO. Mi JESU illo affectu
quo te Sanctissima Trinitas sibi
imolari voluit: quo te eidem imo-
lâsti, quo S. Parens: quo omnes
electi tui te immolare voluerunt
aut immolârunt; hoc eodem te ego
eidem Sanctissimæ Trinitati nunc
immolo. Immolo & me &c.

OBSERVATIO XXIII.

*EX*nunc à Consecratione usquè ad sumptio-
nē genuflectens latreuticè adorabis presen-
tem Christum in Sanctissimo Sacramento.

OBSERVATIO XXIV.

*AN*te Elevationem Hostiæ, genua latreu-
cicè

ricè flectens, commendabis instans tuæ Mortis hoc modò:

MI JESU instanti Mortis tuæ & olim in Cruce peractæ, & nunc in Sacrificio representatæ. Instanti quoque Mortis Matris tuæ, omniumque Sanctorum tuorum, & in specie instanti Mortis SS, N.N. instans mortis meæ commendo. Benedic isti per illa & propter illa.

OBSERVATIO XXV.

AD Hostiæ elevationem elicies affectum ex die liturgico prout incidet. Item: Adoro Te latens Deitas.

OBSERVATIO XXVI.

ANTE Calicis Consecrationem ratificabis tuum testamentum: Mi JESU testamentum meum & -- pro me, & -- ratum habeo, illudque Sanguinis tui pretiosissimi consecratione confirmo.

OBSERVATIO XXVII.

POST Consecrationem Calicis ante & in elevatione ejus dices.

I. Pie Pelicane JESU Domine, me

iam.

immundum, munda tuo sanguine,

2. Mi IESU fac me, sanguinem meum fundere pro te, qui tuum fudisti pro me.

3. Mi IESU accende me Amore Tui, Seraphico, Mariano, tuo, Cruciformi, incessabili.

4. Mi IESU instanti mortis tuæ & Matris tuæ, & electorum tuorum: Instantans Mortis meæ commendo: benedic isti per illa & propter illa, & fac me venire ad Te, ut cum SS. Tuis laudem Te in sæcula.

OBSERVATIO XXVIII.

*S*ignans Te ac dicens: Omni benedictione addes: & gratiâ in tota latitudine & capacitate nostrâ repleamur; & interim aperies dilatabisque totam substantiam Tuam instar universi, eamque gratis ex Dei manibus & Sacrificio Christi manantibus suppones, ut totus implearis finaliter.

OBSERVATIO XXIX.

*I*N memento mortuorum: revoca Te

ad solitum: & breviter ad proximè Mortuos commendatos, hîc sepultos, Tuos & nominatim, pro quibus SS. orare intendis, quos praeordinavit Deus per N. S. juvari, pro quibus orare debes & intendis, pro quibus orares, si mortuos scires, pro quibus Deus peculiariter vult & scit orari.

OBSERVATIO XXX.

DUm facis Hostiâ Cruces inter Calicem & pectus dicens: Est tibi Deo Patri, resera Cor Tuum & omnia interna Tua Sanctissimæ Trinitati, benedicque Te ipsum Sacrâ Hostiâ.

OBSERVATIO XXXI.

Dictis illis verbis: Omnis honor & gloria, addes: omnis ignitissima, Seraphica, Mariana, Christiformis dilectio, gratiarum actio, Saginatio, exultatio: omnis profundissima (Cælestium super Cælos omnes) exaltatio.

OBSERVATIO XXXII.

ORationis Dominica singulas partes dices peculiari reflexione & affectu: intendens ea omnia impetrare. (Tibi, Tuis, Ecclesiæ)

fiæ) quæ Christus illâ oratione complexus est.

Pater noster qui es in Calis. Affectu, Filialis (Christi) fiducia erga Patrem tam bonum & dignum *Toto Te: toto me.*

Sanctificetur Nomen Tuum. Desidera glorificationem Dei plenam & Dignitati ejus adæquatam inter & apud creaturas.

Adveniat Regnum Tuum. Dilata paulò amplius manus & Cor: quasi amplexurus desiderio Regnum Dei in te & in omni Creaturâ nomine ejusdem creaturæ.

Fiat voluntas Tua. Adora, hæc dicens; Voluntatem Dei & tam Corpus quàm Animam, cum omnibus utriusque viribus ac potentiis eidem subterne.

Sicut in Cælo & in terra. Applicabis hæc variè. v. g. Sicut in cælo Cordis Divini & in decretis voluntatis ejus, sic & in te, & in omni creatura.

Sicut in Jesu Christi corde, Humanitate, sic & in te.

Sicut in Pretiosissima Parente Virgine Maria, ita & in Te.

Sicut in Beatis & Electis & in Sancto N. ita & in te, & omnibus super terram degentibus, in omnibus terrena desiderantibus.

Panem nostrum quotidianum. (Intellege, Dignificationis tuæ, Dignationū Christi, Sacrificii, Sacramenti, Orationis, Crucis, lingvarum, gratiarum cælestium) *da nobis hodie.*

Et dimitte nobis debita nostra, sicut & nos, Te Deo nostro teste & dante, dimittimus debitoribus nostris ex corde debita nostra omnia in æternum.

Et ne nos inducas in tentationem, In qua cadamus & Te offendamus,

Sed libera nos à malo, Præsertim spirituali culpæ & pænæ, quo potes, scis, & vis, Amen.

OBSERVATIO XXXIII.

Dicto, hæc Commixtio, *subdes:* Mi JE-
SU

SU me & omnes meos, quos Tu scis, vis, immergo in Sangvine Tuo, perfice me Tibi in munus æternum.

Mi Iesu per pretiosissimum Corpus & Sangvinem Tuum: da mihi gratiam Con: Donum NN. fructum Spiritûs Sancti, Seraphicæ, Marianæ, Tuæ Charitatis, perseverantiæ finalis, Donorum & fructuum Spiritûs Sancti, omnis gratiæ, quam scis & vis, & potes.

OBSERVATIO XXXIV.

AD Agnus Dei qui tollis. *Omne trinum vel ultimum dices; & addes; Justis & peccatoribus, vivis, & Defunctis, sicut scis & vis, & potes.*

OBSERVATIO XXXV.

IN *secundâ Oratione ante Communionem, dictis illis Verbis: & fac me tuis inhærere mandatis, & Te (subjunges) atq; à Tuâ Sanctissimâ Voluntate, eminentissimâ Dignitate, ignitissimâ, & incessabili charitate nunquam separari permittas.*

Post tertiam Orationem subdes has postulationes.

Domine DEus meus per Pretiosissimum Corpus & Sangvinem Tuam, per omnem Cordis tui Bonitatem, & per omnes Viscerum tuorum miserationes, peto à Te, ut des mihi, meis omnibus, Charissimo N. N. Parentibus, Superioribus; Fratribus carne & spiritu, Consanguineis meis, pœnitentibus meis præteritis, præsentibus & futuris, gratias tuas congruas, frequentes, efficaces, finales, des NN. finalem pœnitentiam, des benefactoribus nostris NN. loci hujus, Provincialibus, Generalibus, temporalium sufficientiam, & Spiritualium abundantiam, des mihi Officiorum & negotiorum & necessitatum, finalem felicemque successum: des SS. felicem successum, des mihi gratiam Orationis, Indivinationis, Puritatis; des mihi & toti mundo notitiam tui & sui & Orationis, des
 repres-

repressionem spiritus mundani & for-
nicationis, des mihi, (*hæc dices genufle-*
stus) ut possim fundere sanguinem
meum pro te, qui tuum fudisti pro me,
da mihi amorem inimicorum meorum
utere illorum lingvis, calamis, judi-
ciis; censuris, ad humiliandum me, ad
exaltandum te, da mihi per merita &
preces illorum, meritis precibusque
tuis conjunctas, commutari in virum
Voluntatis tuæ, da mihi hoc præsen-
ti munere defungi, ad puram gloriam
Tuam, ad puram confusionem, da mi-
hi & inimicis meis, gratias & miseri-
cordias, quas potes, scis, & vis, da mi-
hi augmentum æmulorum & ingra-
torum & inimicorum meorum, da mi-
hi linguas & calamos & ingrati-
tudi-
nes, mercedem meam, da mihi panem
meum quotidianum, Orationis; Sacri-
ficii, Sacramenti, Linguarum & Bene-
dictionum tuarum &c. Panem Cæle-
stem.

58 OBSERVATIO XXXVII.

Domine non sum dignus, *dices uno ex septem Affectibus per singulos dies.*

1. Affectu refugientis resistentisque humiliter & reverenter, Domino intrare volenti, ut Centurio.
2. Affectu deprecantis ingressum Domini ad te, ut Petrus.
3. Affectu admirantis Dominum ad te intrare volentem, ut Elizabeth.
4. Affectu Dissuadentis & indignitatem facti Domino dignissimo intrare volenti proponentis, ut Joannes Baptista.
5. Affectu protestantis toti creaturæ, quòd sis Domini ingressu indignus, quòdque tibi vis, ut ab illo fiat.
6. Affectu fatentis quidem indignitatem ingressus Domini, permittentis tamen, imò & optantis ingressum.
7. Affectu ostendentis tanto labore opus non esse Domino, ut ad te veniat: utpote qui unicò verbò totum salutis negotiũ absolvere possit.

OBSERVATIO XXXVIII.

Postquam tertio dixeris: Et sanabitur Anima mea, *subdes:* quæ Te, totâ se credit, amat, agnoscit, adorat, benedicat, concupiscit, ardescit.

OBSERVATIO XXXIX.

Dicto: Corpus Domini nostri IESU Christi &c. *dices:* omnium Sancto- rum, omnium Angelorum, omnium Seraphinorum, supremi Seraphim, Societatis æternæ, & increatæ Sapientiæ, Pretiosissimæ Parentis tuæ, mi IESU Sanctissimæ Humanitatis affectu, Te hic præsentem credo, amo, æstimo, adoro, desidero, recipio, toto me, toto Te.

Mi IESU offero tibi hanc Communionem, pro necessitatibus meis naturalibus, corporalibus, personalibus, spiritualibus, temporalibus, Officialibus, pro Animabus multum auxiliô tuô indigis, da illas mihi frequenter, suaviter, efficaciter, humiliter, juvare omni meliori modo, sicut potes

potes, scis, & vis Offero etiam tibi pro omnibus necessitatibus, quibus tu scis & vis.

Mi IESU totâ vilitatis, miseræ, mendicitatis, peccaminositatis meæ abyfso, totis abyfſis Charitatis meæ, totis abyfſis Charitatis Seraphicæ; Marianæq; Societatis, totis abyfſis Charitatis Pretioſiſſimæ Parentis, & tuæ Theandricæ, te credo, amo, æſtimo, adoro, deſidero, recipio.

Nunc tempus mi IESU, nunc tempus ornare me, meritis & gratiis, & virtutibus tuis & Matris tuæ & omnium Electorum tuorum dignè te, quia pauper ſum, vilis & abjectus nimis.

Nunc tempus eſt mi IESU, dilatare me latitudine Divinitatis tuæ, Humanitatis tuæ, Pretioſiſſimæ Parentis, & omnium Electorum tuorum, quia anguſtus ſum nimis.

Nunc tempus eſt mi IESU, inflam-
mare me igne Charitatis, tuæ Divini-
tatis, tuæ Humanitatis, tuæ Pretioſi-
ſimæ

simæ Parentis, omniumque electorum tuorum, quia frigidus, tepidusq; sum nimis.

O ignis, qui semper ardes & nunquam extingveris! &c.

Excitabis etiam in Te affectum Communionis ex die liturgico qui incidit, ac demùm sanctissimum Sacramentum sumes.

OBSERVATIO XL.

Sumptâ Sanctissimâ Hostiâ, seu specie Panis, in singula momenta curabis crescere, in affectu fidei &c. proinde dices assiduo: Credo, amo, æstimo, adoro, desidero, recipio; repetens iterum iterumque affectu millies millies in majus excrecente. Vel certè alium similem affectum progressum excessivumq; exercebis per rationem, si non licebit per sensum etiam.

OBSERVATIO XLI.

Genuflectens, repetes quinques minimum, Laudetur Sanctissimum Sacramentum, propter indulgentiam.

62 OBSERVATIO XLII.

*S*ignans te calice & dicens: Sanguis Domini nostri Iesu Christi custodiat Animam meam in vitam æternam, custodiat etiam omnes meos in te, & tuos in me, & sit super nos omnes sanguis tuus, signaculum vitæ æternæ. Amen.

OBSERVATIO XLIII.

*P*ost eadem Verba, ante sumptum Calicem Testamentum tuum ratificabis.

Mi Jesu Testamentum meum &c ratum habeo, illudque sanguinis Tui sumptione confirmo. Sit mihi Jesu, sanguis hic tuus sacrificium, sit Sacramentum, sit Testamentum, sit viaticum, sit Professionis meæ, quam item ratam habeo, signaculum, sit meæ voluntatis cum tuâ voluntate desponsationis æternæ incrementum, sit Indivinationis augmentum, sit ad tuam Dignitatem, Devotionis æternæ implentamentum. Sit Seraphicæ, Mariæ, tuæ Charitatis, ergà te, erga P. Parentem, ergà sanctissimum sacrificiũ
atque

atque Sacramentum, ergâ Crucem,
Mortem & Passionem tuam augmen-
tum.

OBSERVATIO XLIV.

SUmens actu Sanguinem de Calice dices
corde: Mi IESU portio mea, sanguis
Tuus; portio tua sanguis meus. Mi
JESU Portio mea Dignitas tua, Portio
tua Dignitas mea. &c. &c.

OBSERVATIO XLV.

IN quiete post Sumptionem Calicis, facies
supplicationem Domino pro liberatione à
Regimine hoc:

Mi JESU per tuam in hoc sanctissi-
mo sacrificio & Sacramento, & in vi-
sceribus Animæ Corporisque mei præ-
sentiam; peto à te, ut ab onere gu-
bernationis & à periculis ejus liberer
me (& in hac ipsâ presenti dirigas &
adjuves me quàm efficacissimè) sicut
potes, scis, & vis, expedire gloriæ Tuæ,
saluti & perfectioni meæ, proximo-
rumque meorum.

Deinde

*Deinde conduces operarios & mercedem
pacifceris.*

Mi IESU, 1000. Actus tibi & P. Pa-
renti offero &c. pro eo, ut in me & in
omnibus meis, quos scitis & vultis, o-
pereris gratias, quas potes, scis, & vis,
nominatim constantiam & efficaciam
dulcedinis, fervoris, ac luminis: spi-
ritum quoq; Or tionis, mortificationis,
contemplationis, Donum quoq; gra-
tiarum actionis pro omnibus benefi-
ciis tuis in specie, pro Beneficio Sacri-
ficii, Sacramenti, Pœnitentiæ & Eu-
charistiæ, Unctionis Extremæ. Do-
num Abyssalissimæ tui Reverentiæ,
mei verò contemptionis. Donum po-
stulationis & impetrationis omnes
gratias, quas potes, scis, & vis, Tibi
placitissimas, mihi utilissimas, & effi-
cacissimas finales. Donum utendi iis-
dem gratiis juxta gustum tuum, Do-
num denique deliciosissimæ post Sa-
crum gratiarum actionis.

**Mi IESU Purissimo Corpore & San-
guine**

guine tuo purifica corpus & sanguinem meum, purissimo cibo & potu tuo, purifica mentem & linguam meam.

Elicies quoque iterum quinquies Laudetur SS. Sacramentum, propter Indulgentiam. Item elicies Actus ad Æternam Sapientiam. Vel Divinitas Christi inhabitata me, Persona Christi indivina me, Anima Christi sanctifica me. Prout feret tempus.

OBSERVATIO XLVI.

Dictâ Communionem dum oscularis Altare dices: Benedic Creator Memoriam Creaturæ tuæ. Post Orationes dum oscularis dic: Redemptor Intellectum Redempti tui. Post. Placeat tibi; dum oscularis dic. Benedic Spiritus Sanctificator Voluntatem Sanctificati Tui.

OBSERVATIO XLVII.

Tollens Calicem de altari ante abitum dices breves Orationes has.

Quæsumus Omnipotens Deus, ut inter ejus membra numeremur cuius communicamus Carni & Sangvini.

Hæc

Hæc Sacra nos quæsumus Domine
potenti virtute mundatos, ad suum
puriores faciant redire principium.

Sancti Nominis tui Domine timo-
rem & amorem, fac nos habere per-
petuum, quia nunquam tua guberna-
tione destituis, quos quos in solidi-
tate Tuæ Dilectionis instituis.

OBSERVATIO XLVIII.

Genuflectens ultimò ante Altare dices:
Toto me, toto te, gloria tibi Patri,
gloria tibi Filio, gloria tibi Spiritui
Sancto, sicut erat in principio & nunc
& semper, & in sæcula sæculorum per
JESUM Christum Dominum nostrum,
Amen.

OBSERVATIO XLIX.

IN recessu ab Altari, usque ex sacrario
ad Cubiculum, vel gratiarum actionis lo-
cum: recitabis vel: Trium Puerorum, vel
Te Deum laudamus. vel Magnificat.
Canticum, aliasque Orationes.

OBSERVATIO L.

LAvabis manus post Sacrum dicens soli-
tam

*tam Orationem &: Laudate Dominum omnes gentes: Pro defectibus Missæ sup-
plendis.*

ADNOTATIO.

ADvertendum est, has omnes supra
positas observationes tantum esse
positas pro temporibus & spatiis quasi
vacuis quæ inter Actiones Missæ oc-
currunt. Proinde per has non excludi
alias quas quis habere & servare voler,
in ipsis Actionibus Divinissimæ hujus
occupationis. His porro Observationi-
bus ut quis commodè assuescat, expe-
dit eas non omnes simul assumere: sed
partito illis insvescere, nunc his, de-
inde illis, demum aliis, donec omni-
um usus habeatur, absque perturba-
tione, & absque anxietate, prolonga-
tione morosa missæ, & hujus enim ra-
tio habenda hîc est, ne simus oneri
audientibus. Ad extremum adver-
tendum est. *Dum recitamus ea vel agi-
mus quæ in Sacro agenda vel recitan-
da sunt, dandam esse operam, ut ea*
non

non cursim proferantur, sed cum intellectu perceptione, & affectuū, qui in singulis latent passim, induitione. Etenim Ecclesia eos Deo exponere & impendere, docta à Spiritu Sancto intendit. *Proinde* cum pondere, sensu intento Ecclesiæ, experimento, & expressione gustūs agenda proferendaq; sunt omnia. Siquidem sunt in omnibus magna & mira Mysteria, documenta etiam miræ & magnæ Dei laudis. Multiplicia orandi Deum & honorandi genera, variæ humiliationes, gratiarum actiones, Christi Domini, & S. Parentis, & Sanctorum meritorum precumque, interpositiones. *Quare* cursim ea omnia dicere vel agere prope modum insanire est. *Magna* certè jactura subitur tum propriæ Devotionis atque apud Deum meriti, laudisq; Divinæ, tum profectus, utilitatumque totius Ecclesiæ. *Ad hoc.* porrò præstandum optimè erit tempestivè quoad tempus, temperatè quoad solutionem

ab

ab omni curâ, & respectu ad festinandum urgente: ad Sacrum dicendum accedere: quin & illud antea totum prævidere, ac prælegere: & insuper distinctâ & clarâ voce prout fieri poterit dicere.

OBSERVATIONES

LITURGICÆ

POST SACRUM.

OBSERVATIO I.

Quæres solitudinem Mentis, à curis; Corporis, ab Hominibus; ut totum te cum Christo à Sanctissima Trinitate in te Sacramentaliter concomitanterque speciali realitate presente occupes. Crescendo semper in devotionis fervore, ab ipsa Communionem usque ad consumptionem specierum Sacramentalium. Moraberis cum Domino versaberisque quàm diutissimè licebit, nullis non artibus studendo Deum demereri tibi: plurima

Et ma-

Et maxima à ditissimo, liberalissimoque Principe, Patre, Domino, Deo, bona ac dona postulando: eum ad cor tibi loquentem audiendo. Statum vite Tuæ necessitatesque Tuas, proprias, communesque exponendo.

OBSERVATIO II.

Exercebis Actus quinque ad Christum presentem.

Dulcissime Hospes Animæ Iesu, pro eo affectu & charitate, quâ hoc Sacrificium atq; Sacramentum in ultimâ Cæna instituisti & me ad illud peragendum admisisti.

Ignosce obsecro quòd non cum debita præparatione, puritate, humilitate devotione, ad tantum Mysterium accesserim. Omnem porrò defectum in ejus oblatione & sumptione commissum dele ac remitte. Supplendo hos defectus Commissionis æque ac omissionis, actibus tuæ profundissimæ reverentiæ, intentissimæq; charitatis, quos tu ipse in diebus Carnis tuæ circa hoc

hoc Myſterium exercuiſti, & quos-
 unquam ex dono tuo, omnes ſervi tui
 huic myſterio addictiſſimi exercuerunt
 exercent, exercebuntq; uſque ad fi-
 nem ſæculi: quos quidem Actus omnes,
 jam nunc ego in ſuâ omni circumſtan-
 tia tibi placita, tuis Theandricis acti-
 bus unitos, offero nunc toto me, per
 te Sanctiſſimæ Trinitati, in ſupplemen-
 tum omnium, qui mihi defuerunt, pe-
 tens ſimul omnia impedimenta fru-
 ctuum & gratiarum Sacrificii Sacra-
 mentique à me removeri.

Introtrahe Mi Ieſu totam hanc me-
 am hujus Sacrificii Actionem in Cor-
 tuum amicabile, illamque meritîs tuis
 dignificatam, offer in gratiarum actio-
 nem, impetrationem, ſatiſfactionem,
 reliquosq; fines, quorum intuitu nunc
 Sacrificium obtuli, Sacramentumque
 ſumpſi. Præcipuè verò, ad guſtum
 Patri & VERBO & Spiritui Sancto,
 nec non ad incrementum ſpecialis glo-
 riæ omnium Sacerdotum, Sanctorum
 Patre:

Patronorumq; Myſterii hujus in Cælo Regnantium, augmentum verò in terris adhuc degentium.

Uni me Tecum.. Mi IESU indiffolubili, amore ad eum, qua poſſibile eſt modum quo tuæ Humanitati unita fuit, & eſt Divinitas, in qua ſubſiſtebat, vivebat, operabatur. Sic tu quoque mi IESU ſubſiſtentia & vita Animæ meæ, ut in te, propter Te Anima mea ſubſiſtat, vivat, moveatur agat, & agatur per Spiritum amabiliſſimi Cordis tui, ita ut Anima mea plus de te & in te vivat quem amat, quàm in Corpore quod animat.

Transforma me in te mi IESU, ut omnīs ſubſtantia mea pereat in te. Nihil ſit in me non tuum, non in Te transformatum. Totus annihilèr in me, tu ſis meum eſſe omniãq; mea.

Admitte me mi Dulcis IESU, æterna Patris Sapientia ad ignitiſſimam & Seraphicam Societatem amantium Tuam Sanctiſſimam Humanitatem, ſivè in terris,

terris, sive in Cælis. *Hoc autem peto*
per Cor & Animam Dilectricis tuæ P.
Parentis, quæ te Incarnatum prima
& principaliter & maximè super omnes
Seraphinos magis seraphicè dilexit;
atque in Sacramento omnium maximè
& dignissimè amavit & honoravit.
Peto id etiam per corda & animos
omnium qui tuam Sacratissimã
Humanitatem ardentissimè dilexerunt
& coluerunt, potissimumque sub
speciebus Panis & Vini vel immolârunt,
vel immolatam honorârunt, æstimârunt,
manducâruntque. *Peto* denique hoc
per ipsam istam tuam, ô Æterna
increata Incarnataque Sapiencia
Humanitatem, quam modò immola-
vi & sumpsi, cujus præsentia Sacramentali
adhuc fruor & fruam usque ad
specierum consumptionem, ut nimirum
ex dono tuo & ex virtute Sacramenti
Sacrificiique sim unus ex amatoribus
tuis Seraphicis, incessabilibus, neque
D ab

ab eorum Societate excludar unquam
in tempore & æternitate.

OBSERVATIO III.

ELicies sequentes Actus tam Humanita-
ti Christi, quam Sanctissima Trinitati,
cum Humanitate in te præfenti,

Dulcissime IESU Te in me realiter
comitâtes Sanctissima Trinitate præsen-
tem credo, amo, æstimo, adoro, to-
to me, corpore, tota Animâ, Perso-
nâ, omnibus viribus internis, omni-
busque partibus externis. Totâ me-
moria, intellectu, voluntate, liberta-
te, deliberatione, iudicio, ingenio, ima-
ginatione, omnibus sensibus externis,
omnibus affectibus partis superioris &
inferioris, omnibus qualitatibus & ac-
cidentibus, omnibus actionibus & pas-
sionibus, omnibus virtutibus, donis
& bonis, tam naturalibus, quam super-
naturalibus, omnibus atomis, omnibus
circumstantiis, omni etiam obedien-
tiali capacitate.

Credo etiam & amo & adoro Te
IESU

IESu cum Sanctissimâ Trinitate in me
realiter præsentem toto me: id est, to-
to universo, omnibusq; atomis uni-
versi, universalitatis.

Æstimo & adoro & amo Te toto Cælo,
igne; aëre, aquâ, terrâ, omnibusq; hie
contentis, omnibus etiam horum viri-
bus, actibus, conditionibus. *Æstimo &*
adoro & amo Te quoque totâ P. Paren-
te, totaque curia Cœlesti, Sanctis, An-
gelis, Archangelis, Virtutibus, Princi-
patibus, Potestatibus, Dominationibus,
Thronis, Cherubinis, Seraphinis, Apo-
stolis, Patriarchis, Prophetis, Martyri-
bus, Doctoribus, Confessoribus, Virgi-
nibus, Viduis, omnibusque Sanctis.

Æstimo & adoro & amo Te quoque o-
mnibus inanimatis, omnibus etiam da-
mnatis tota æternitate.

Humilio me Mi IESu coram Te &
coram Sanctissima Trinitate, tecum in
me præsentem, toto me usque ad infer-
nos, usque ad Abyssos, infra Damna-
tos, infra bruta, infra inanimata, in

& infra ipsum nihili centrum.

Benedico, Te mi IESU cum Sanctissima Trinitate tecum in me præsentem, toto me, benedictionibus & laudibus totius Creaturæ, inanimatæ, viventis, sentientis, intelligentis, damnatæ, viatricis, Justæ, Beatæ, P. Parentis, tuæ Sanctissimæ Humanitatis & Divinitatis, & denique Sanctissimæ Trinitatis.

Exulto de omnibus & singulis bonis Tuis, ô Sanctissima Trinitas, atque IESU Christi Humanitas, exulto toto me, totisque totius mei viribus. Exulto Trinitas Sanctissima te esse id quod es: esse Deum unum in Trinitate, Trinum in unitate, esse vitam, rationem, Voluntatem, esse omnipotentiam, Misericordiam, Justitiam, Charitatem, Bonitatem, Liberalitatem, Immensitatem, Dignitatem, Sapientiam, Unitatem, Æternitatem, Pulchritudinem, Dulcedinem, Laudabilitatem, Simplicitatem, Omnia. *Exulto* Mi IESU te etiam esse

id quod es, esse te Deum Hominem
& gratulor tibi, & id quod
es & id quod habes, gratulor tibi om-
nia Bona Naturæ, gratiæ, gloriæ,
unionis hypostaticæ, omnia quoque o-
pera, munera, merita, glorias, virtu-
tes.

*Do Tibi Sanctissima Trinitas, Hu-
manitatem Christi in munus, in Sacri-
ficiu, in holocaustu, in gloriam,
in habitaculu, in templu.*

*Do Tibi in servu, in mancipiu,
in Filium, in Hæredem, in glorifica-
torem, in prædicatorem. Do Tibi
cum ipso omnem Creaturam cujus
ipse caput & primogenitus est. Do
tibi mi Iesu in me præsentem, etiam to-
tum me in personâ propriâ, totum me
in Communionem & unionem cum toto
universo, do tibi Creaturas omnes,
damnatas, inanimatas, viventes, senti-
entes, rationales, beatas, electas, P.
Parentem, ipsam tuam Humanitatem
deniq; ipsam Sanctissimâ Trinitatem.*

O mi IESU Te ego præsentem in me, Deum homo; Creatorem, Creatura; Redemptorem, Redemptus; Dominum, servus; Regem subditus, Imperatorem, Miles, Patrem, Filius, Magistrum Discipulus; Medicum, Infirmus; Judicem Reus; sponsum, sponsa; Pastorem ovicula; Ditissimum Divitemq; Deum, Pauperculus & Misericulus, toto me amo, & æstimo, & exalto super omnia propter Te.

Tibi Mi IESU omnes Actiones & Passiones, seu mutationes totius vitæ substantiæq; meæ (imò & omnium quantum in me est creaturarum) unitas Actionibus & Passionibus & meritis totius vitæ tuæ, in realem, verba-lem, cordialem præteritam, præsentem & futuram, omnimodam possibilem, infinitam, incessabilem, offero, consecro, dono, trado, sacrifico, in gratiarum actionem, laudem, adorationem, Amorem, exaltationem Tui: *Itemque* in præparationem ad futuras Missas &

comunionem. *Item* in Dispositionem ad gratias Sacrificii, Sacramenti, beneplaciti, actuales, habitualesque, finales, opportunas, efficaces, perseverantes. *Item* in satisfactionem pro Defectibus Missarum & Communionum & Confessionum mearum: & pro omnibus meis tam culpæ quàm pœnæ obligationibus, in specie autem pro pœnis omnibus spiritualibus. *Item* pro Animabus in Purgatorio. *Item* pro gratia fervoris in vita & morte proq; sancta Morte & finali in bonitate & sanctitate, & perfectione, & societate perseverantiâ.

In particulari volo mi IESU cum tua gratiâ me exercere & perficere assiduo idque specialiter in gratiarum actionem pro Sanctissimo Sacrificio & Sacramento in aliosque fines jam supra expressos. *In* renovatione intentionis crebrâ. *In* continuè crescentis fervoris excitatione. *In* actuali Devotione in omnibus. *In* concatenatione

ne Actionum per spiritum. *In DEI præsentis amante memoriâ & memori Amore. In invocatione auxilii. In actibus heroicis. In usu Orationum ejaculatoriarum. In amore & fame orationis, crucis & laboris. In dilectione cordiali, beneficentiaque erga inimicos, & detractores. In gratiarum actione assiduâ & reali pro beneficiis toti mihi factis & faciendis per æternitatem. In actibus quàm plurimis heroicè magno spiritu & devotione peragendis.*

Ad eundem finem volo mi Iesu, cum Tuâ gratiâ emendare me peculiariter & particulariter. *In fugâ vana gloria. In ira & impetuositate, in actuum inordinatione. In tempore, in gulositate. in inconstantia, in complacentia & & fiducia mei, in neglectu Reflexionum in amaritudine animi, in effusione agendi, in minorum bonorum, mortificationum & perfectionum omissione. In minimarum imperfectionum contem-*

temptu & admissione. In gravedine atq; repugnantia ad orandum.

OBSERVATIO IV.

Confiteberis Christo commendabisque tuas & totius mundi necessitates,

MI Iesu confiteor & commendo tibi, omnes meas necessitates naturales, personales spirituales, corporales, Officiales, Temporales.

Confiteor & commodo Tibi Paupertatem meam memoriæ, Intellectus, Voluntatis, Iudicii, Imaginationis, Sensuum Corporis, Affectuum Animæ, Scientiæ, Prudentiæ, Virtutum, gratiarum, meritorum, sanctitatis, actionum & passionum, firmitatis in patiundo, agendo, & perseverando. Discretionis, & industriarum, in cura potissimum aliorum, tam quoad interiora, quam quoad exteriora earum.

Confiteor etiam & commendo tibi mi Iesu toto me, necessitates omnes totius mei, id est totius mundi, Ecclesiæ, Imperii Christiani, Regni & Regis

gis nostri, Societatis superiorum Personarum, locorum, laborum, officiorum, tribulationum, tentationum. Zeli ejusdem: confraternitatum quibus participo. Con: f. & FF. & P. Consanguineorum, in specie amicorum privatorum & comunium, inimicorum privatorum & comunium, Benefactorum privatorum & comunium, omnium, quos læsi & nocui unquam. Omnium ad curam meam pertinentium. Omnium pœnitentium, meorum, præteritorum, præsentium, futurorum, omnium qui pro me orant, omnium qui se comendaverunt orationibus meis, omnium Personarum & rerum commendatarum ab obedientia, omnium meorum in Domino quos ille scit & vult. Omnium in peccato mortali, in agone mortis, in gravi necessitate. Omnium Animarum Purgatorii. Omnium pro quibus SS. intendit, quos prædestinasti per nostram Societatem juvari, pro quibus orarem, si illos mor-

tuos esse scirem. Omnium vivorum & mortuorum, quos scit & vult DEUS. Tu mi Iesu qui cum Patre & Spiritu S. omnia diligis & scis & potes, adjuva omnes nos, sicut scis, vis, potes, propter te.

OBSERVATIO V.

Reddes rationem conscientia ac vita tua Christo presenti: ut Deo, ut medico, ut Spiritus Patri, aperiesque illi Conscientia librum, & petes ut scrutetur latebras ejus in lucernis suis, utque tibi luce sua indicet, quid displiceat in te, quid desideret à te. Repetes si voles & facies Christo Confessionem defectuum tuorum. (Supra positorum ante Sacrum. Observ. 5. ex Thomâ de Kempis) petesque misericordiam & indulgentiam.

OBSERVATIO VI.

Audies attentè & reverenter, quid loquatur in te Dominus tuus, quid jubeat, quid moneat, quid arguat, quid desideret? statuesque cum omni fidelitate, diligentia

gentiâ, constantia exequi ea omnia, qua in-
rimata tibi senseris à Domino.

OBSERVATIO VII.

EXercebis quàm plurimos; virtutum actus
in gratiam Christi Domini præsentis, qui-
bus non tantum animam tuam Christo, sed
etiam quodam modo Christum ipsum ador-
nes, saltem concilies & liberalitate tuâ,
quanquam pauperculâ, ejus in te liberalita-
tem Divinissimam provocas. Exerce ergo
sequentes actus conatu heroico.

1. Agnosco mi IESU, Deus & Re-
demptor meus, inhabitator quoq; Ci-
bus & Conviva, Hospes & Sponsus,
Pater & Rex meus; agnosco inquam
me sinè tua gratiâ, nihil esse, nihil nosse,
nihil posse, in Te autem & de Te
omnia esse, & nosse.

2. Mi IESU tota mendicitatis meæ
abyssus, Tibi supplico pro omnibus, &
singulis bonis, & donis naturæ, gra-
tiæ, gloriæ, mihi & omnibus, quibus
Tu scis & vis.

3. Demergo me Domine in omnes
Abyf-

abyssos, nihili, miserix, malitix, indignitatisque meæ; in omnes autem abyssos, Essentix, Bonitatis, Dignitatisque Tuæ, coram te, propter te toto me.

4. Doleo de peccatis meis omnibus & singulis cordis, oris, operis, commissionis, omissionis, alienis, ignorantix, detractiois, superbix, inconstantix, juventutis: Doleo autem propter Bonitatem, Dignitatem, Charitatem tuam; propter vilitatem, malitiam ingratitudinemque meam, toto me.

5. Credo Domine adjuva incredulitatem meam. Credo te, in te, de te, omnia revelata à te, quia revelata à te toto me

6. Spero in te, spero te, spero à te, spero omnia promissa à te, quia promissa à te, & in sola gratiâ tuâ meritisque tuis confido toto me propter te.

7. Confige Domine timore tuo carnem & mentem meam, ut te semper, & solum, & super omnia, time-

am,

am, utque creaturas timere, timeam.

8. Mi IESu toto me amo, æstimo, dignifico te, quantum tu scis: si parum, da amplius, da fortius, da incessabilius, da Seraphico, da Mariano, da tuo amore, diligam Te propter te.

9. Devoveo, desponso, dedico me totum, me toto, svavissimæ, adorandæ, dignissimæ volûtati tuæ propter te.

10. Devoveo etiam totum me, toto me, exaltandæ Dignitati tuæ, propter te.

11. Mi IESu qui uteris te ad humiliandum te, exaltandum autem me: utere etiam me, ad humiliandum me & exaltandum te, valdè, toto me propter te.

12. Peccavi Domine, peccavi tibi, soli, & malum innumerum coram te feci, feci ego vilitas, malitia, nihil; feci autem in te Dignitatemque tuam & Bonitatem & voluntatem tuam.

13. Ad satisfaciendum pro peccatis meis tibi, Mi IESu trado me totum, volun-

voluntati, justitiæ, misericordiæque tuæ, fac ergo mecum voluntatem, justitiam, misericordiam tuam, sicut potes, scis, & vis.

14. Pone me totum Domine in Manibus tuis & in beneplacito suavissimæ voluntatis tuæ, ad omnem omnino usum placitumq; tuum, in omnibus circumstantiis tuæ voluntati placitis, sive sint illæ dulces, sive amaræ, sive sint duræ, sive faciles, sive honorificæ, sive ignobiles, sive sint longæ, sive breves.

15. Volo mi Iesu & desidero & peto pati, quidquid me vis pati; quidquid patiuntur, passæ sunt, & passuræ adhuc sunt omnes Creaturæ per omnem æternitatem. Propter participationem omnis Crucis tuæ, quam subisti pro me.

16. Imolo tibi Domine, imolo omnem amorem, omnem libertatem, omnem sensum, omnem intellectum, omnem honorem, omnem substantiã,

omnem

omnem capacitatem, omne quidquid sum & esse possum, omnem & totum me, imolo inquam in holocaustum iuge & æternum, super altare voluntatis tuæ in igne Dilectionis tuæ, in prunis censuræ, humanæ, & omnis omnino Creaturæ propter te.

17. Exuo me & expolio me amore, gustu, proprietate, dominio, usu, intuitu, omnis Creaturæ etiam necessariæ, etiam mei ipsius, etiam omnium actionum Passionumq; etiam partium ac potentiarum mearum, etiam bonorum & donorum tuorum naturalium ac supernaturalium, etiam meritorum, quatenus, aliquo modo meorum, etiam atomorum mearum. Hæcque omnia tibi, & voluntati tuæ, restituo, ac subjicio. Tua sunt enim, & eorum possessio, gloria Bonitas tua tantum modò indigentia, indignitas, ingratitude illorum, mea.

18. O Domine si te Homines noscent! ô si in te crederent! in te sperarent!

rent! te diligereat! te æstimarent, te laudarent! te possiderent.

19. O Domine si ego possem omnes & singulas, creaturas tuas naturales, ad te adducere, tuaq; notitiâ, fide, spe, timore, dilectione, laude, fruitione, implere propter te.

20. O Domine pro omnibus & singulis creaturis tuis, nunc pro omni tempore & æternitate, novi te, confiteor te, credo in te, spero in te, amo te, laudo, æstimo, exalto, revereor te, toto me propter te.

21. Desidero mi Iesu omnem omnis virtutis perfectionisq; perfectionem & excellentiam nosse, desiderare, amare, quærere, acquirere, possidere, tenere, augere, servare, in me, imò, in te propter te, propter gloriam Nominis tui, propter similitudinem perfectionis tuæ, propter gustum voluntatis tuæ.

22. Desidero mi Iesu toto me, omnia dona, gratias, merita, virtutes
perfe-

perfectionesque omnium Electorum tuorum, P. Parentis tuæ Sanctissimæ Humanitatis tuæ. Non propter ullum bonum meum, quatenus meum, sed propter exaltandum magnum & sanctum, per me, in me, nomen tuum, propter te.

23. Desidero mi IESU imitari & exprimere quàm perfectissimè, Paupertatem, Humilitatem, Mansuetudinem, Modestiam, Stultitiam, Contemptibilitatem, Vilitatem, Passionem, Crucifixionem, Mortem tuam, mea paupertate, humiliatone, subiectione, mansuetudine, patientia, contemptione, vilificatione, annihilatione, stultificatione, Cruce, passione, Morte, toto me propter te.

24. Amo Domine IESU toto me, propter te omnem creaturam, etiam mihi inimicam & inutilem, etiam omnes reprobos, quatenus aliquid tui sunt, omnes Electos. P. Parentem tuam, Sacratissimam Humanitatem,

tuam

tuam Divinissimam Divinitatem.

25. Cor mundum Bone IESU, & corpus castum crea in me, ut dignum te, fiat tibi habitaculum semper in me propter te, & da mihi illud curare ardentem toto me.

26. Immergo mi IESU totum me semel pro semper in balneo & mari Sangvinis tui, meritorumque tuorum: hisque me unio, & uniri à te, in eisq; sepeliri postulo toto me.

27. Gratias tibi ago Domine IESU toto me pro omnibus & singulis beneficiis mihi & omni Creaturæ, imprimis autem tuæ Sanctissimæ Humanitati, & ejusdem P. Parenti, omnibusq; Electis præstitis & præstandis per omnem æternitatem.

28. Odi Domine & odisse volo, atque peto ex toto corde meo, omnem noxam etiam minimam tanquam maximam meam, alienam dumodo tibi displicitam.

29. Volo mi IESU & desidero &
pro-

propono tibi æternaliter in omni perfectione servire propter te toto me semper ardentius.

30. Volo mi IESU vota mea quæ vovi, servare, eaq; ac si nunc facta primum rata, habeo, & denuo innovans, voveo toto me propter te.

31. Complaceo mihi mi IESU in omni eo statu, quem me tua suavissima voluntas inire fecit, in eoque semper volo amplius, in millies & millies majori proportionem fervoris, crescere atq; progredi & crescendo semper perseverare usque in finem. Idque ab omni bonitate tuâ postulo supplex toto me propter te.

32. Peto Domine fidem, cultum, penetrationem, gustum, amorem, usum fructum, Sanctissimi tui Sacrificii & Sacramenti quàm maximum, semper que magis ac magis in me crescentem, voloque ad ejus usum & oblationem, omni atomo mei, & vita, actionum passionumq; mearum disponi toto me propter te.

35 Imple mi IESU; imple per me,
& in me & per omnem creaturam tu-
am, omnes volūtates atque intentiones
& voluptates, atq; glorificationes tuas,
& Patris tui æterni & Spiritūs Sancti, cui
tecum toto me, toto te, toto se, omnis
Amor, omnis honor, omnis Gloria in
sæcula sæculorum & ultra.

OBSERVATIO VIII.

PETES à Christo Domino Sacramentaliter
in te presente, quàm poteris maxima plu-
rimaque bona. Etenim à tam Divite &
profuso Domino jam tibi & tecum intime
unite, non decet nulla aut parva dona postu-
lare, tam tibi quàm aliis.

O Dulcissime atq; liberalissime IESU
postulo à te veram & finalem pro
peccatis meis omnibus & singulis con-
tritionem & satisfactionem. Postulo à
te, ut si quod in me salutis æternæ, gra-
tiæq; tuæ impedimentum, si quam pec-
cati maculam, si quam peccandi occa-

sionem vides, eam, quàm primùm à
 me removeas. *Postulo* à te ut omnes
 pravos habitus in me extirpes, omnes
 immoderatos passionum impetus, omnes
 effrenes concupiscentiæ ardores in me
 reprimas & extingvas. *Postulo* à te ut
 corpus & animam, ab omnibus phanta-
 siis, imaginationibus, imunditiis, ab
 omnibus actibus etiam solùm mate-
 rialiter malis, ab omnibus actibus in-
 ritoriiis, ab omnibus denique imperfe-
 ctè vel tepidè factis bonis purifices.
Postulo à te ut des mihi gratiam ita vi-
 vendi, ut, semper (quantum fragilitas
 mea finit) sim absque culpæ & pænæ
 obligatione, coram te, aut saltem pri-
 mo quoq; tempore diebus singulis in
 Sangvine tuo, per gratiam tuam &
 cooperationem meam, ab eis emunder
 absolvarq; à te. *Postulo* à te Dulcissime
 Iesu ut des mihi gratiam abstinendi
 semper ab omnibus & singulis maximè
 verò deliberatis peccatis. *Postulo* à te
 ut des mihi operibus meis bonis con-
 sequi

sequi, & adæquare cogitationem & lumen internum, gratiæquæ affectionem & impulsus. *Postulo* à te ut des mihi semper juxta aut etiam supra habitum virtutis, mensuramque gratiæ abs te mihi comunicatæ opera mea perficere. *Postulo* à te ut des mihi propter te & propter Divinum tuum gustum, dona multa & magna, quæ magnis tuis Sanctis contulisti. *Postulo* à Te ut des mihi semper exactè, promptè, vigilanter, dulciter, perseveranter, gubernationi ac regimini, inspirationique tuæ mediatè ac imediatè in omnibus correspondere. *Postulo* à te Liberalissime Iesu, ut des mihi habere in omnibus actionibus, propositisq; meis rationem naturæ, perfectionis & mortificationis. *Postulo* à te ut des mihi gratiam semper & semper ferventiùs tibi serviendi, magis tibi placendi, perfectiùs te cognoscendi, sinceriùs & devotiùs te exaltandi, profundiùs autem & cordialiùs, nae infra ipsum nihili

centrum abjiciendi. *Postulo* à te ut des mihi vitam longam, plenam sanctitate, mei & proximorum fructu ingenti, omnibus etiam laboribus & crucibus parem. *Postulo* à te ut des mihi gratiam, inspirationes tuas, proposita autem, & incepta mea bona omnia, exequendi, constanterq; ac illuminate, ardentem in eis perseverandi. *Postulo* à te misericordissime ac liberalissime Iesu, ut des mihi ad extremum vitæ meæ instans usum rationis (quin & sensum) utque te etiam in extremo vitæ puncto super omnia diligam, super omnia æstimem, super omnia cupiam, tanquam supernaturale Bonum, ultimumq; finem meum, & ex iisdem motivis de peccatis meis dolendo, in manus tuas & P. Parentis Angelorumque ac Patronorum Sanctorum, Spiritum meum tradam. *Postulo* à Te Deus meus gratiam discernendi spiritus, tam in me ipso, quàm in aliis. *Postulo* à te ut des mihi Cor misericordie plenum

plenum, quo aliorum bonis sinè invidia faveam, infirmitati & miseris sine fuco compatiar, facile omnia exculem, tegam, laudem, aut saltem nec meæ nec alienæ censuræ subiciam. *Postulo* à te Deus meus ut des mihi gratiam capiendi Homines, ad bonumq; malo, suaviter, prudenter, efficaciterq; deducendi. *Postulo* à te mi Iesu, ut des mihi gratiam Societatis Iesu ad conversandum, concionandum, consulendum, Confessiones audiendum, Scribendum, confutandum: ut item des mihi industrias, praxes, inventionesq; Prudentiæ Spiritualis, Animarum periculis occurrendi. *Postulo* à te ut dirigas ad me, vel me ad tales Homines qui maximè egent, & remoti sunt destitutiq; suâ vel alienâ culpâ ab auxilio, Spiritualis; utque mihi des gratiam ejusmodi Homines efficaciter etiam cum patientiæ meæ exercitio adjuvandi & ad Creatorem & Redemptorem earum adducendi. *Postulo* à te ut in me

& in aliis impedimenta meæ alienæq;
 salutis à me & ab illis per diabolum ob-
 jecta, potenter removeas, mihiq;
 cum omni genere Hominum tractan-
 di gratiam salutarem concedas, *Postulo*
 à te mi Iesu ut in animabus in purga-
 torio positis, quæ vel peculiari de cau-
 sa juyari à me debent, & vel mini-
 mum, vel etiam plurimum ad exsol-
 vendum, justitiæ tuæ habent. Vel
 à nullo viventium in particulari peni-
 tus juyantur, quàm citissimè miserea-
 ris, requiemq; æternam tribuas. *Postulo*
 à te mi Iesu, ut notitiam, fidem, amo-
 remq; tui, in omnium Hominum cor-
 dibus quàm efficacissimè, dissemines,
 propages, atq; conserves, fructumq;
 tum pretiosissimæ vitæ, Passionis ac
 mortis tuæ: tum Sacrosancti Sacrificii
 atq; Sacramenti Altaris, omnibus &
 singulis efficaciter & finaliter, juxta
 tuum & ad tuum Beneplacitum com-
 munices. *Postulo* à te Dignissime Iesu,
 ut voluntatem tuam, gloriam tuam,
 Digni-

Dignitatem tuam Patrisq; tui æterni, nec non Spiritûs Sancti per omnes & singulas Creaturas tuas perficias, teq; superexaltes in sæcula sæculorum. Ad extremum *Postulo* à te Dignissime Iesu ut des mihi & Amicis meis omnibus, inimicis quoq; & ingratis, & univèrsim toti Humano generi, peccatorum veniam, vitæ emendationem. Virtutum perfectionem, amorem tuum perfectum, finalem in Sanctitate perfectionem. *Postulo* ut des Parentibus, Fratribus, Consanguineisque meis gratiam tuam, temporalium sufficientiam, Spiritualium abundantiam. *Postulo* ut des tui cognitionem & dilectionem Infidelibus; des successum & benedictionem, Officiis, crucibus, necessitatibus, difficultatibusq; meis. Dirige me in omnibus consiliis & operibus, da perseverantiam in mandatis & beneplacitis tuis.

Fac mecum Dulcissime Iesu semper omnem adorandam voluntatem tuam

& utaris me ad humiliandum me ad exaltandū autem te valdè, nimis. Fac me perfectum professorem possessoremque Crucis tuæ, Stultitiæ tuæ probrorumq; tuorum. Da mihi multa & gravia & occulta pro te, pro tuâ gloriâ & voluntate, pro animarum salute, sinè cujusquam peccato perpeti. Utere mi IESU famâ, honore, viribûs, vitâ, Corpore, animâ meâ, totoq; me ad dignificandam inter Homines Dignitatem tuam. Vestias & exornes me dignitatibûs insignibûsque tuis specialibus. Impende mi IESU iis omnibus, qui mihi unquam fuerunt, sunt, erunt, quocunq; modo inimici, molesti, ingrati, tuam gratiam sanctificantem, nec non omnis Beneplaciti tui affluentiam copiosam. Utere mi IESU creaturarum tuarum, quarum scis & vis (nominatim Fratrum meorum, Beneficiariosq; censuris lingvis, calamis, industriis (exclusis tantum peccatis) ad humiliandum me, exaltandum te. Impende

pende autem mihi efficacem tuam
 Benedictionem, & solidam consolatio-
 nem creaturarum merita & suffragia,
 meritis tuis, conjuncta, in omni an-
 gustia, necessitate, actioneq; meâ. Fac
 mi Iesu, me, Veritatis tuæ Cognito-
 rem, Amatorem, Professore. Fac di-
 gnitatis tuæ Zelatorem & devotum.
 Fac Sapientiæ tuæ Discipulum, Mini-
 strum, Socium, Filium. Fac gratiæ pro-
 videntiaeq; tuæ nutritium & infantem.
 Fac me Domini tui servum, dignatio-
 num tuarum subjectum & antesigna-
 num. Fac me tuæ, ac omnium nostrûm
 P. Parentis, Mancipium, Filium, Hæ-
 reditatem, Hæredem, ac Sponsum. Fac
 me deniq; stultum pro Te. Fac me tibi
 pauperi, crucifixo, contempto confor-
 mem. Fac me secundum Cor tuum.

Da mihi dulcissime IESU ut sim rete
 & hamus animarum. Dirige ad me
 animas auxilii Spiritualis valde indi-
 gas. Da verbis scriptisq; meis lucem,
 pondus & flammam. Da Cordi meo Spi-
 ritum

ritum & Zelum Apostolicum. Da Discretionis & Prophetiæ (non illius mirabilis, sed ad intima cordium penetrantis, & opportunè Verbum salutis proponentis, necessitatesq; animarum introsipientis) donum. Da omnium donorum & fructuum Spiritûs Sancti copiam. Da in omni occasione atq; momento opportunum lumen, amorem & directionem. Da lumen in intellectu, efficaciam in affectu. Constantiam in inceptu, perseverantiam in omni bono actu. Da dulcissime IESU clavim Scientiæ, apertumq; sensum ad intelligendas scripturas & veritates; da mentem & linguam eruditam in lege tua; da oculum & sermonem tuum ad intima cordium

Noli me mi IESU facere mirabilem in oculis humanis ac præsertim in meis, fac me fidelem ac prudentem servum tuum, Gloriam tuam tibi integrè reddentē. Non sinas adversa mea si quæ paucior sciri, aut æstimari, doleriq; ab aliis.

Non

Non finas labores, difficultates, necessitates, dolores meos, agnosci, apprehendi, curari. Fac mihi imputari alienas culpas, fac mea sciri & exaggerari errata, fac me lingvarum Martyrem, reprehensionum locum, contemptuum subjectum, irrisionum materiam. Non utaris malignante meâ lingvâ, iudicio, censurâ, calamô, ad probandam, purgandam, limandamque virtutem alienam. Aufer mihi pondus in sensualitate, curiositate, vanitate, & naturâ. Excæca oculum meum, quo intueri, & quærere soleo me ipsum, sed illum ad tui solius intentionem intuitumq; converte. Denique Dulcissime Iesu, fac me Sanctissimæ Humanitati tuæ conformem, Divinitati tuæ conformem, divinitati unitum, voluntati subjectum, dignitati devotum, Bonitati iñersum, Amore ebrium, sapientiâ absorptum, totum me totaliter in te transformatum, mihi ipsi, amoriq; planè meo, plenè, mortu-

um atq; sepultum, ac oblivioni traditum. Tibi verò soli & te solo, in vita & morte viventem; atq; spirantem, sicut tu potes scis, & vis, quia hæc est voluntas Dignitatis tuæ & Dignitas voluntatis tuæ. Tibi cum Patre & Spiritu Sancto, uni, Soli Deo Honor & gloria in sæcula.

OBSERVATIO IX.

INstitues Meditationem aut leges ejus proximæ ex hebdomadis liturgicæ diei, qui insiderit si libebit, aut vacabit.

OBSERVATIO X.

AGes gratias Sanctis Patronis Sacrificiæ atque Sacramenti, iisdem quos ante Sacrorum invocâras.

OBSERVATIO XI.

RECitabis Pater noster & Ave MARIA pro libitu, decies minimum, ad liberandas Animas è Purgatorio propter Indulgentiam &c.

OBSERVATIO XII.

EXamen institues super decursum totum Sacri, incipiendo à Preparatione usque ad finem

finem gratiarum actionis: an Observationes omnes expleveris, quantum te fuit ex. Quo examine peracto, aices Christo Domino.

Confiteor Dulcissime IESU & confundor, simulq; deprecor, quod te Deum, Dominum, Patrem sponsum, Regem tantæ Majestatis, tam abjectè, tam tepidè, tam miserè, receperim, tam frigidè amaverim & desideraverim, tam jejunè, rusticèq; tractaverim & gratiam egerim. *Pestulo à te misericordiarum Patre veniam: propono in posterum emendationem; Peto deinceps gratiam & Benedictionem, & interim suscipe à me hanc qualem, qualem, sollicitudinem, & pro omnibus bonis tuis in præsentì Sacro & comunione mihi communicatis, gratiarum actionem.* Cui ego Domine, sicut neq; ulli alteri meæ actioni atque Passioni, conatui aut industriæ, quatenus quidem meæ nullatenus confido, sed eam omnino nihil esse, quatenus est ex me, quatenus autem aliquid est, ex te Deo meo

omnis Boni fonte, esse confiteor. Ideoq; tibi tanquam totali omnis bonæ dispositionis, omnis bonæ operationis, omnique boni causæ & principio, omnia resigno, omnia attribuo, per omnia confido, tibi que soli omnem gloriam refundo. Tu Domine fac mecum, & de me, omnem voluntatem tuam, miserere mei sicut potes; scis, & vis, secundum magnam misericordiam tuam, & propter omnimodam gloriam tuam. Tua enim est Domine, omnis laus, honor, gloria; mea verò est omnis culpa, & pœna, & confusio in omnia sæcula sæculorum.

OBSERVATIO XIII.

Actus Christo & P. Parenti in mercedem inter Sacrificandum post Communionem præmissos, de more persolves.

OBSERVATIO XIV.

Expiationem defectuum, negligentiarum, omissionum & repeditatum, solitam facis.

OBSERVATIO XV.

Facies Meditationem per sequentes
Affectus!

Ergone Sacrificandum est?

O Abyssum Amoris, Amavitatis, Admirabililitatis, Amabilitatis, Ardoris, Audaciæ, Appetentiæ, Alimonix, amicitix!

O Abyssum Bonitatis, Benignitatis, Beneficii, Benedictionis, Beatificationis, Boni!

O Abyssum Charitatis, Communicationis, Convivii, Cibationis, Clementix, Contentationis, Conversationis, Capacitatis!

O Abyssum Dignationis, Descensusq; Dei, Dignitatis meæ, Doni, Debiti, Devotionis, Desiderii, Dulcedinis, Delectationis, Domini, Deificati!

Ergo Sacrificandum est?

O Abyssum Exaltationis, Exultationis, Estiminationis, Eviscerationis, Exinanitionis, Estuationis, Exauditionis.

O Abyssum Fidei, Fidelitatis, Felicitatis

citatis, Familiaritatis, Ferculi, Feracitatis, Fecunditatis, Fiduciam, Fervoris, Flammarum !

O Abyssum gratiam, Gloriam, Gratitude, Gloriationis, Gaudii, Gratiarum Actionis, Gustationis.

O Abyssum Humilitatis, Humanitatis, Hospitalitatis, Honoris, Honorationis, Heroicitatis, Hereditatis !

Ergo Sacrificandum est !

O Abyssum Incarnationis novae, Incontinentis Bonitatis, Indulgentiam, Imperii, Jucunditatis, Indivinationis, Innocentiam, Iustitiam, Imolationis, Jubilationis, Impotentiam, Invitationis, Ignitionis, Imutationis !

O Abyssum Lautitiam, Liberalitatis, Laetitiam, Laudationis, Libertatis, Licentiam !

O Abyssum Mysterii, Miraculi, Miserationis, Majestatis, Meriti, Mandati, Mercedis, Mercis, Ministerii, Magnitudinis, Mansuetudinis !

O Abyssum Novitatis, Nativitatis,
Nutri-

Nutritimenti, Neceffitacionis, Nobilitationis, Nundinationis, Negotiationis, Negotii, Neceffitudoinis.

Ergo Sacrificandum est?

○ Abyssum Operationis, Obedientia, Orationis, Oprabilitatis, Omnis, Omnipotentia, Oneris, Oblationis.

○ Abyssus Pietatis, Potentia, Pignoris, Præsentia, Patientia, Pacti, Puritatis, Pacis, Perseverantia, Pustulationis, Possessionis, Pretii!

○ Abyssus Quæstuositatis, Quietis!

○ Abyssum Reverentia debita, Ruditatis, Rusticitatisque mea, Ruina Indignorum, Reparationis, Remunerationisq; Bonorum, Rogationis, Regnationis!

Ergo Sacrificandum est?

○ Abyssus Sanctitatis, Sapientia, Servitutis, Societatis, Securitatis, Sacrificii, Spei, Sublimitatis, Sinceritatis, Sacramenti, Salutis, Suspendii.

○ Abyssum Tractationis, Totalitatis, Timoris, Traditionis, Tentionis,

Tene-

Teneritudinis, Tuitionis, Thesauri &
Thesaurizationis!

O Abyssum Vitæ, Veritatis, Vera-
citatæ, Voluptatis, Verecundiæ, Vene-
rationis, Valoris, Viatici, Voluntatis,
Venationis, Unionis!

O Abyssus Zeli Gloriæ, Zeli Amo-
ris, Zeli salutis & salvationis!

Intentio diurna & ante Sacrum.

S. DEUS, S. Fortis S. Imortalis / San-
ctissima Trinitas, Unice Deus! Crea-
tor omnipotentissime? Redemptor mi-
sericordissime! Iudex æquissime! Vin-
dex severissime! Remunerator libe-
ralissime ac Domine mi supreme! &
denique Deus meus & omnia super o-
mnia! Ego N.N. licet undequaque con-
spectu tuo indignissimus ut pote omnium
peccatorum maximus, omnium creaturam
minimus denique Ego nihil & infra o-
mnia, cum omnibus præteritis, præsentibus
& futuris, & in Omnipotentia tua in-
clusis creaturis, mihi impersonatis; coram
incessabili majestate tua: infra centrum
nostri

nostri nihili prostratus te Deus meus,
omniū illarū nomine, vi & potentiā o-
 bedientiali: affectu & unione merito-
 rum Christi, Beatissimæ & *Omniū*
 celo terraque Deum laudantium se-
 mel pro semper, in totam ante, nunc
 & post, æternitatem; ubique, in cæ-
 lo, mari, terra; cum omni possibili tibi
 Deo meo cognita, placita, & te digna
 intentione, devotione, ac intensione,
 actuū virtutum, motivorum circum-
 stantiarum *omniū*; sine mensura, sine
 numero sine fine, in, ex, & propter so-
 lum amorem & gustum Bonitatis tuæ;
 denique propter id, & ita, propter
 quod & sicut te Deus meus scis, vis,
 & potes, & infinite dignus es; toto
 me! toto universo! & in quantum
 fas est toto te! dignè te! propter te!
 Deus meus & *omnia*! Credo in te! spe-
 ro à te! Amo! Desidero! Æstimo!
 Laudo! Exalto! Adoro! Timeo! De-
 precor te! Doleo, Erubesco! Propono!
 Ejuro! Retraho! Ignosco! propter!
 te!

te! Curro! Anhelo! Æstuo ad te! Pe-
to! Mendico! Obsecro à te, opto! Gra-
tutor? Compatior! Subjicio! Eliquo!
distiilo! offero! tibi *omnia* tua, *omnia*
mea, omnia omnium! totius æternitatis,
vitæ, & specialiter diei hujus (Specia-
lissimè Ego idem qui supra &c. *Voib. ce-*
lebrare missam & consecrare Corpus & San-
guinem Domini Nostri IESU Christi, jux-
ta ritum S. R. E. vel communicare; In
unione Persona & affectu, O si possem!
O si possem! ipsius Christi, primum in
ultima Cæna incruentum, secundum
in prima Crucis ara sacrificium cruen-
tum offerentis, OO. SS. &c. devotè in
ante, & post celebrationem vel com-
municationem) *Ad laudem omnipotentis*
Dei totiusque Curie triumphantis, Beatissi-
mæ Virginis Matris. Sanctorum omni-
um præsertim NN. In recognitionem
dominii Divini super me, & super om-
nia. In Adorationem Majestatis à
me & omnium præsertim NN. In sa-
tisfactionem Iustitiæ pro peccatis o-

omnibus meis & omnium, præsertim NN. In gratiarum actionem pro beneficiis omnibus mihi & Omnibus datis, præsertim NN. In impetrationem à misericordia Divina, mihi & omnibus, NN. gratiæ maximè necessariæ, præsertim &c. *Ad utilitatem meam totiusque curiæ militantis, pro omnibus qui se commenderunt orationibus meis, in genere & in specie NN (hic principalis intentio sacri vel diei exprimenda) & pro felici statu S. R. E. Amen.*

Gaudium cum pace, Præsidibus Ecclesiasticis & secularibus omnibus, præsertim NN. Emendationem vite omnibus Peccatoribus, Apostatis, Schismaticis, Hæreticis, Paganis, Judæis præsertim, NN. Spiritum vera Pœnitentiæ, omnibus in periculo mortis constitutis, agonizantibus, infantibus, præsertim N.N. gratiam & consolationem S. Spiritus, omnibus afflictis, tentatis, desperatis; infirmis, incarceratis, animabus in purgatorio existentibus, ac omnibus derelictis.

stis, præsertim NN. *Perseverantiam in bonis operibus, omnibus Innocentibus, Justis, Sacerdotibus, Religiosis, præsertim NN. Gratiam quamcunque videt maximè necessariam mihi, meisq; omnibus: Consanguineis, Benefactoribus, Amicis & Inimicis, præsertim NN Denique omnibus pro quibus scit, & vult me velle aut debere orare; tribuas nobis omnipotens & misericors Domine.*

In horum, & omnium possibilitium, Deo dignorum, cognitorum, placitorum Actuum; in ante, & post æternū oblatione, intensione, ratihabitione, renovatione, & continua actione, iteratione, multiplicatione; omnium autem contrariorū meorum & alienorū detestatione, retractatione, annihilatione; vel depuratione, transformatione, & tibi Deo meo restitutione; sinè intermissione, numero, mensura; sinè fine &c singulis momentis; nunc & pro semper vivere, moveri, spirare & esse volo! desidero! astuo! in

Omni-

*Omnibus, cum Omnibus, pro Omnibus præ
Omnibus, nomine, conatu, obligatione
Omnium toto me! toto universo! toto
te! dignè te! propter te Deus meus &
omnia! Ego ultima portio creaturæ tuæ,
& infra omnia NN In me, de me, per
me, circa me, imò & contra me fiat
voluntas Dei, nunc & in æternum &
ultra! Fiat! Amen.*

Adverte imò. Quòd ubicunque ponitur terminus univesalis v.g. *ly omnis præsertim &c.* ibi particularia in illo termino inclusa, exprimi in particulari possunt; imò semper saltem implicite, quandoque etiam explicitè debent; v.g. *particulares Sancti, quos & cum quibus beneficia quæ: creatura; quarum nomine; virtutes ex quarum motivis &c. exorare intendis Deum.*

Adverte 2dò. Eos pro quibus oras, supra expressos, facillimè in memento vivorum & mortuorum, in sacro disponi propter memoriam posse, in Crucifixo semper in altari stante: sci-
licet

licer. In Capite *Frasides* &c. In manibus *Consanguineos* &c. In Corde *Innocentes* &c. In precibus *peccatores* &c. In periculo mortis constitutos &c. affectus &c. ut supra, enumeravi; idque: in memento primo *Vivorum*, secundo *Mortuorum*.

Adverte 3tiò. Totam hanc Orationem, præsertim præambulum usque ad *ly, Credo in te* &c. & clausuram incipientem à *ly In horum omnium* &c. debere semper implicitè, aliquando etiam explicitè iterari posse ad singulos actus, qui hic alias unicò Verbò v, g, *Amo te* &c. innuuntur.

|
Ad Deum Patrem.

DEUS; qui nos à sæculi vanitate convertos, ad bravium supernæ vocationis accendis, pectoribus nostris purificandis illabere, & gratiam nobis, quâ in te perseveremus, infunde, ut protectionis tuæ muniti præfidiis, quod te donante promissimus, impleamus,
& no-

& nostræ professionis executores effecti, ad ea, quæ perseverantibus in te promittere dignatus es, pertingamus.

Ad Dominum JESUM.

Dignare benignissime IESU, per hoc sanctum nomen tuum, esse mihi IESUS, & dare mihi spiritum Societatis IESU: insere quæso cordi meo hoc amabile nomen tuum, ut ejus dulcedine pascar. ejusque amore ita ardeam, ut moriar in te IESU mi dulcissime, IESU mi suavissime, IESU mi dilectissime, invocato semper hoc jucundissimo, hoc mellifluo, hoc salutifero nomine tuo, Jesu, Jesu, Jesu.

Ad Spiritum Sanctum.

DEUS, qui renuntiantibus sæculo, mansiones paras in cælo, dilata omnium nostrorum corda cælestibus bonis ut fraterna teneamur compagine charitatis, unanimes, præcepta custodiamus, sobrii; simplices, & quieti. gratis datam nobis professionis gratiam fuisse cognoscamus. Concordet nostra

stra vita cum nomine & professio sentiatur in opere: qui cum Deo Patre, & Filio ejus Domino nostro vivis, & regnas in sæcula sæculorum.

Ad Beatam DEI Genitricem.

Cordi quæsumus, tibi sit, MARIA Virgo Dei mater optima, universi Ordinis nostri famularus; omnibus nobis impetra cor secundum cor Filii tui dilectissimi: ut qui nos ad Societatem ipsius vocatos esse lætatur, opem, gratiamq; nobis; te intercedente, sentiamus adesse perpetuam, Amen.

3191074, UNIV.




Ad M. D. G. B. M. V.
Honorem.


1487.11.01




n-
&
e-

A
fi
us
li
a-
m,
n-







Biblioteka Jagiellońska



stdr0022074

5453

